


झीगु सिन्हाज्या न्ये

(प्राचीन गीति काव्य)



Aa

389-2

छत्रबहादुर कायस्थ

श्रीगु सिन्हाज्या म्ये (प्राचीन गीति काव्य)



संकलक व संपादक

छत्रबहादुर कायस्थ



पिकाक

“नेपाल संस्कृति” लय्पौ

यल ।

झौगु सिल्लाज्या म्ये (प्राचीन गीति काव्य)

पिकाक : 'नेपाल संस्कृति' लय्पौ

मन्दः हिति, यल -६ ।

मंतुना : भाषारत्न सत्यमोहन जोशी

पिथना : नेपाल संवत् १११६ वि. सं. २०५५

सिल्ला थ्वः नवमी


ह्लापां - ५०० गू

दैब : कलाकार रत्नबहादुर वज्राचार्य

नेपाल ललित कला प्रतिष्ठान, गा:बाहा: यल ।

म : ५०१-

थाकुथि : महाबौद्ध प्रिन्टिङ्ग प्रेस

ओकुबाहा: सुन्धारा, यल ।  ५३५६६२

सर्वाधिकारः संकलक ब संपादक छत्रबहादुर कायस्थ

पिकाक पाखें

ने. सं. १९९६ चिल्ला रिखेया खँ खः । छन्हु जिह्म-अबुजुं बोराय् स्वथनातःगु “नेपाल संस्कृति” लय्पौया प्रुफ स्वयातःगु भों च्याका छ्वः धया दिल । कयबय्तुं भों च्याकेगु ज्या याना । भों च्याकावं वनाबले बोरां छगू फायल पिहाँ वल । फायलया पिने थथे च्वयातल-

झोगु सिह्लाज्या म्ये (प्राचीन गीति काव्य)

संकलक व सम्पादक : छत्रबहादुर कायस्थ

फायल पुइका स्वया । आखः तस्सकं बांला । म्ये नं फुक्कं हे बांला-झो पूर्वजपिसं हनावंगु धार्मिक, सांस्कृतिक व सामाजिक जनजीवनया चित्रण जुयाच्चंगु । ऐतिहासिक तथ्यया लागी नं छगू महत्वपूर्ण ज्वलं थें ताया । जितः तस्सकं लयता वल । उकें जि अबुजुयात “झोगु सिह्लाज्या म्ये” या फायल लुयावल धका सूचं बिउ वना । अबुजुं ‘च्याका छ्वःसां जिउ’ धया दिल । जितः धाःसा थ्व च्याका छ्वये मजिउ, छापे याका सफूया रूपय् पिथनेमा धइगु विचारं प्रेरित यात । उकें सिह्लाज्या म्येया फायल मछ्वयेकुसे तया ।

दच्छि लिपा ध्वाना सफू पिथनेगु तातुना प्रेसय् बिया । अर्थया अभावं याना दच्छि लिपा जूसां “नेपाल संस्कृति” लय्पौ पाखें पिथना च्वना । थ्व सफू सकसिनं ययेका दी धइगु जि विश्वास याना ।

थ्व सफू पिथनेत “सिह्लाज्यां ब्वल्हंकातःगु नेपाल भाषाया गीति साहित्य” नामं मंतुना च्वया बिया दीह्य हनेबह्य भाषारत्न श्री सत्यमोहन जोशीजुयात कृतज्ञता देछाया च्वना । सकसियां भिं जुइमा । अस्तु ।

ज्ञानेन्द्रबहादुर कायस्थ

सह सम्पादक

‘नेपाल संस्कृति’ लय्पौ

मन्दःहिति, यल ।

ने. सं. १९९६

वि. सं. २०५५

सिल्लाथ्वः ६ यल, नेपाल ।

जिगु खँ

तःदँह्यो छह पासां सिह्नाज्या म्ये मुना बिउसा पिथनेगु नुगः खँ
प्वंकल । निदँति लिपा सिह्नाज्या म्ये मुना पाण्डुलिपि केने यना । पासां धाल—
'बांला, सफू पिकया दिसँ, जिं ५ गू १० गू प्रति न्याना बियेगु जुल' । पासायात
सुभाय् बिया जि लिहाँ वया । सिह्नाज्या म्ये सफू पिथनेत ग्वहालिया लागी
यक्वसित इनाप याना । सुनां हे चिउता मतः । उकें सफू पिथने फइ थें मच्चना—
बोराय् स्वथना छवया ।

नेपाल संवत् १९१६ चिलाश्वः नवमी कुन्हु बोराय् च्वंगु भों च्याकेत
दातिह्य काय् भाजु ज्ञानेन्द्रबहादुर कायस्थयात जिम्मा बिया । क्यबय्तुं भों
च्याकल । छौछि लिपा काय् भाजु ज्ञानेन्द्र वया धाल— “सिह्नाज्या म्ये” या
फायल छगू लुया वल, छु यायेगु ? ”

जिं धया— “छवयेका छवः । ”

ज्ञानेन्द्र वन, छु यात जिं मसिउ । दछि लिपा सफू पिथनेगु धका फायल
प्रेसय् बिल । जिं धेबा मडु म्वाः धका गना । काय् भाजु ज्ञानेन्द्र धाल— “जिं
सफू मिया पुले । ” जिं छुं मधयाः । थुकथं काय् भाजु ज्ञानेन्द्रबहादुर कायस्थयागु
दूरदर्शिता व लगनशीलतां हे थ्व झीगु सिनाज्या म्ये (प्राचीन गीति काव्य)
सफू पिहाँ वःगु जुल । थुकिया लागी काय् भाजु ज्ञानेन्द्र धन्यवादया पात्र खः ।
थ्व सफूया लागी मंतुना च्वया दीह्य हनेबह्य भाषारत्न सत्यमोहन जोशीजु व
देवः किपाः च्वया बिया दीह्य पासा कलाकार रत्नबहादुर वज्राचार्यजुया गुण
लुमंका च्वना । अर्थया अभावं म्येया भूमिका मतया । निक्वःगु संस्करण
दुथ्याके । प्रेसया सकल दुःजपित सुभाय् ! अस्तु ।

छत्रबहादुर कायस्थ

ने. सं. १९१६ सिल्लाश्वः ६

संकलक व संपादक

वि. सं. २०५५ माघ १२ गते

सिह्लाज्यां ब्वल्हंकातःगु

नेपाल भाषाया गीति साहित्य

नेपाःगालय् (स्वनिगलस) वापुसा तयाः, पुवाचा पुयाः, वापीसयेकगु युगयात हे नेवाःतय्गु बूँज्यायानाः जीवन हनावोगु ह्तापांगु पलाः खः धायेमाः । उबलेनिसैं हे इमिगु सामाजिक इतिहास व सांस्कृतिक जीवनया क्रम स्पष्ट रूपं शुरू जुइ । लिपा इमिगु गृह उद्योग व्यवसायया दुने अँतय् कपि पयनेगु, ताँगालय् थाज्या थायेगु (Industry) व बुई गाःम्हुयाः काँ कायेगु प्रविधि (Technology) नं ब्वल्हंगु जुल । थनलिपा इमिसं तुँ, ल्वहँहितिआ ल्यूल्यू बलचांनिसैं लाय्कू, दलुलिनिसैं देगः नं दयेके सयेकल । अले थुजोगु हे लिधंसाय् नेवाः सभ्यता व संस्कृतिस नेवाःतय्गु बुँज्यायागु जीवनय् सिह्लाज्यां थःगु सर्वोपरि स्थान काल । अथेहे सिह्लाज्याया लिधंसाय् सिह्लाज्या म्येया सिर्जनां लोकम्येयागु स्वच्छन्दगु सांगितिक प्रवाह गुगु स्वाभाविक रूपं मौखिक साहित्य (Folklore) या रूप्य पिज्वेकल उकियागु ज्वः मेगु ल्वीके थाकुल । वास्तवय् बछला कयनेवं हे (वर्षा ऋतु शुरू जुइवं हे) जब सिह्लाज्या स्वां उनं जायाः (गुगुं तुय्गु गुगुं ह्यांगूगु) प्रकृति कुचुकुचु नकेवं मुसुमुसु ह्लिलाः ह्वेत्तनी, बुँज्यायाइपि मिजंत जुइमा अथवा मिसात इमिगु लोक जीवन पद्धतिस थःगु हे पह, थःगु हे लय, थःगु हे स्वर माधुर्य ज्वनाः सिह्लाज्या म्ये स्वतः सर्गः हे ध्वयेक पिज्वयावइगु जुल गथेकि—

वापितं छपीचा ज्यामि वलं भुतूचा

भुतू मिसां बजि नल पिचां स्वपीचा

वोपु थोपु जिनं मसियारे पु, छ ज्यापु अतिकनं ययापु ! इत्यादि ।

विशेषतः ललितापुरीस बछला कयनेवं हे सहकालया छः बृगद्यः (अवलोकितेश्वर) यात रथय् तयाः रथसालेगु जात्रा हे नं प्रारम्भ जुइगु जुल । धिमेया बोलय् व भुस्याया तालय् “होस्ते व हैस्ते” नाराय् बुँगद्यःया जात्रा न्ह्यानाच्चनीगु

जुल । ऋतुपरिवर्तनया ल्यूल् तछला कयनेवं बुँगद्यःया जात्रा नं ववचाइ । अले सिथि नखःया ओ नयेधुंकाः बुँज्यायागु जागरणं बुँज्या याइपि सकलयात सचेत याये धुंकिइ । वसन्त धुंकाया धातु लोक म्ये हाला च्वोपिन्सं सिह्लाज्या लोक म्ये हालेगु शुरू याइ । सिह्लाज्या जोछि हे हालीगु सिह्लाज्या म्ये सिह्लाज्या सिधयाः गथामुगः कुन्हु मिप्वाः वाये मयंकूतले हालावं च्वनी, मिप्वाः वाये धुंकलकितिति सिह्लाज्या म्ये हालेगु दिकाः वया थासय् सिलु म्ये हालेगु शुरू याइ ।

गुवलें गुवलें बुँई वापीत माक्व लः मदयाः लःया हाहाकार नं जुया च्वनेफु । थथे ज्वीबलय् बुँज्यायाइपि मनूत 'गाय्द्यः' धकाः थक्क थक्क सामूहिक नारा पिकयाः गां अथवा नगर परिक्रमा यानाः लः पवंवनी । गुरुजुपि नाग साधना यानाः मंकाः ववहाँवनी । जल वृष्टिया देवता करूणामय लोकेश्वर बुँगद्यःयागु उपासना याइ । बुँज्याया जागरण व मनोरञ्जन प्रधान जुयाच्चंगु सिह्लाज्या म्ये श्रृंगारस प्रधान भक्ति संगीतया नं श्रोत जुजुवनी । अनलि सिह्लाज्या म्येयाहे लोक लयस नेपाल भाषा काव्य साहित्यया दकसिबय् सशक्तगु, मौलिक तथा जातीय छन्दया संरचना दुगु (शुद्ध स्वरय् लाःगु, विकृति स्वर गनं मदुगु, शास्त्रीय रागया विकसित क्रम कथं) म्ये (Lyric) व लोककाव्य (Ballad) कृति नं सिर्जना जुजुवनी (कृतिम रूपं, छायाःसानि थुजोगु कृतिस "ल्लाकहा अजानीनं", "फलानाहा जुजुया शासनय्", "थुलि संवत सालय्" धकाः नं उल्लेख याना तःगु दैगु जुल) थुकियागु ज्वलन्त उदाहरण थ्वहे "झीगु सिह्लाज्या म्ये" सफू जूगु दु ।

खतु झीगु निम्ति 'सिह्लाज्या म्ये' दैय्दैसं न्यनावयाच्चनागुलि, हाला-वयाच्चनागुलि यानाः थुकी झीसं उलि, दुग्यंक दृष्टि बबोगु खनेमदुथें च्वं । तर नेवाःतय्गु मां भाषा, साहित्य, संगीत अध्ययन, अन्वेषण व अनुसन्धान याइपि विदेशी विद्वान्तय्गु मिखाय् धाःसा सिह्लाज्या म्ये तस्सकं च्वन्हानाच्चंगु खनेदत । थुकियागु छगू ज्वलन्त उदाहरण "नेपाःदेया म्ये" (Songs of Nepal) नांगु सफूया च्वमि भाजु डा. लीन हार्ड (यूरोप महाद्वीपया स्वेदेन देशया स्टोकहोम विश्वविद्यालयया प्रोफेसर) "सिह्लाज्या म्ये" यात कयाः थथे थःगु धापू प्वंकातःगु जुल-

“To the most genuine patterns of true Nevar poetry belong, as has been mentioned, the so-called Sihnajya-songs which are working-songs and, on account of the predominantly narrative nature, appear in most instances in the form of what a Western reader would call a ballad. The proper occasion for chanting these poems was the time of the Sihnajya, when Nepalese farmers transplanted the tender shoots of the rice in the rice-fields. Most compositions of this type are composed in dialogue form, and the stangas were usually sung by men and women alternately. The girls were then adorned with the red sihnajya mark on their fore-head. Not infrequently the air of the song is sprightly and gay and follows a specific tune called sihnajya-raga. The stories, something funny, sometimes sad, relate all sorts of events and practical experiences and, what is exceedingly valuable, abound in particulars of social and domestic life, of the various rites, customs, and practices of the Nevars. As the Sihnajya-work provided both sexes with a most favorable opportunity of mingling quite freely, many songs describe first love, flirtation, or even adultery. Other favorite topics in the ballads are extraordinary and unexpected events such as journeys (usually to Tibet), pilgrimages, or sudden death. Characteristic of the epic and didactic poetry is, furthermore, that is mostly cast in a less refined and a much less poetical form

than the Krishna-songs and the hymns addressed to various gods."

थुकियागु अनौपचारिक हीका

'च्वय् न्ह्यव्वयातये धुनाथे आपालं चचित्तु थःगु हे शुद्धगु पहः वोगु नेवाः भाय् चिनाखँया पुचलय् सिह्लाज्या म्ये आपालं थासय् ल्येँल्येँपुया च्वंगु दु । वास्तवय् सिह्लाज्याम्ये धयागु बुँइ ज्यायाईपि ज्यामीतय्सं हालीगु म्ये खः, विशेषयाना थुजोगु सिह्लाज्याम्येय् बाखं कनीगु शैली खनेदयाच्वंगु जुल । यूरोपय् च्वंपि व्वमितय्गु लार्गि धायेगु खःसा इमिसं थुजोगु सिह्लाज्याम्येयात बालाड (Ballad=बाखँचु दुगु बाखं म्ये) धकाः धाइ । उजोगु सिह्लाज्याम्ये हालीगु ई खः नेपाःमि ज्यापुतय्सं बुँइ पुवाचा पीबलय् । थुजोगु सिह्लाज्याम्येया संरचना विशेषयाना खँह्लाबह्लाया रूपय् खनेदयाच्वनी । अले म्ये हालिबलय् पालंपा यानाः मिजंतय्सं हालेमाःगु अथे हे मिसातय्सं । थथे म्ये हालिबलय् मिसामचा-तय्गु ख्वालय् सिह्लाज्याया ह्याउँसिह्लः खनेदयाच्वनी । विशेषयाना थुजोगु सिह्लाज्याम्ये धयागु साप हे जीवन्त व हिंसिजायाच्वंगु जुइ, अले थुकी सिह्लाज्या राग धयागु छगू खास सुर हे दइ । थुकी दुने च्वंगु गुलि गुलि ख्यालि जाःगु अथे हे गुलि गुलि नुगःमछि पहःयागु बाखं नं थी थी कथंया घटनाक्रम, खास जुयावंगु अनुभव कनाच्वनी, अझ साप हे ज्याख्यलेजुइगु खँ ला नेवाःतय्गु थीथी कथंया नखःचखः हनीगु व लोकव्यवहारस छचलातःगु खँ दुथ्याकातःगु सामाजिक व गृहस्थी जीवनया विशेषता भय्भय्बियाच्वनी । मिजंत व मिसात स्वतन्त्र रूपं नापनापं वापीगु ज्याय् मुनेगु सुअवसर प्राप्त जुइगुलि यानाः आपालं सिह्लाज्या-म्येय् ह्लापां ज्वीगु मतिनाया खँ, प्रेम लीला अथवा ख्यालेच्वनेगु खँ तक तं न्ह्यथनातःगु दइ । बाखंम्ये दुगु सिह्लाज्याम्येय् मेमेगु बांवांलाःगु विषयवस्तुया खँ न्ह्यथनेबलय् मतिइमत्विकथंया घटनां जायाच्वंगु यात्रा विवरण (सँदेशय् वंगुया), तीर्थयात्रा विवरण, अथे हे हानं अकाल मृत्युया विवरण नं दुथ्यानाच्वंगु दु । अझ थुलिजक नं मखु, काव्यात्मक व उपदेशात्मक स्वभाव गुण दुगु सिह्लाज्या म्ये नं (कृष्णजुयात दछायातःगु सिह्लाज्याम्ये स्वयाः भचा व्वय्या स्तरयागु) थी थी दःतय्गु नामय् दछायातःगु नं दु ।'

अन्त्यय् “नेपाल संस्कृति”या सम्पादक भाजु छत्रबहादुर कायस्थजुं
थुजोगु महत्वं जाःगु सिक्ताज्या म्ये जक मुकं मुनाः गुगु थुगु सफू (झीगु सिक्ताज्या
म्ये) पिथना दिल वयकःयागु दूरदर्शी भावनां जाःगु कुतः अतिकं च्वछायेबह
जू । वयकःयात आपलं सुभाय् । जितः पूर्ण विश्वास दु, ब्वमि भाजु मय्जुपिन्सं
थुगु सफूयात म्ये साहित्यया दृष्टिकोणं जक मखु, नेवाःतय्गु विशुद्धगु संगीतया
दृष्टि नं लसकुस याइ धइगु ।

१९४८ बखुंबाहाः, यल (ललितपुर)

ने. सं. १९९७ दिलागाः १२

सत्यमोहन जोशी

(श्रावण १६, वि. सं. २०५४)

धनः

१. जय श्री कालिमाइ देवि	१
२. हरिजुया चरणस	२
३. नमो लोपा	३
४. मतलेन दुदल माजु	४
५. शिव शिव श्री महादेव	८
६. संसारया कारणस	९
७. ह्लिया ह्लियं लुमनकाव	१३
८. वृन्दावन बंस हरि	१५
९. ए हरिजुया चरणस	१६
१०. श्री स्वयम्भू नाम कासे	१७
११. पिरतिया पुरुषन	१९
१२. श्री करुणामय लोकनाथ	२०
१३. तोलते मते भाजु	२२
१४. मतेमते भीम राजा मंगल याहुने	२४
१५. श्री भीमसेन दया तसे बिहुनि	२७
१६. श्री करुणामय दरसन याये ह्लां	२९
१७. अय धन मतेना सिह्लाज्या वने	३०
१८. हरि हरि जि प्रभु स्वामि	३२
१९. गोपाल धनी पनेमते थनि	३३
२०. ॐ नमो सरस्वती ॐ नमो भगवती	३४
२१. मते छाय तोलते	३७
२२. धर्म धातु वागीश्वर	३९

२३. तोलते मते ह्मां	४१
२४. श्री जय बालसुकि नागराजा	४३
२५. मेले वने जुलला	४५
२६. संदेस चोनह्य काय	४६
२७. जि वया ला लछि मदुनि	५०
२८. हरि हरि जि करम	५५
२९. च्यान्हु च्यान्हु सिवा याना	५८
३०. ब्रह्मा विष्णु रुद्र रूप	६२
३१. इचंगुया नारायण	६३
३२. र्वसिंग परबतस	६५
३३. विश्वरूप दरशन बिल रे	६७
३४. मतिकोया भइरब	६९
३५. कृष्णजुया चरित्त कने	७१
४६. हरि हरि जि मत्यना	७२
३७. हुनुनुनु बाजनं थातका	७४
३८. छिव जिव जुल धका	७५
३९. दछिया लछि सिह्वाज्या	७७
४०. झनन बाजन थातका	७८
४१. भलभल अष्टमि	८०
४२. हरि हरि नाम लुमनकाओ	८२
४३. जुगुतिन जिगु खँ	८३
४४. मफु चवने पुरुष मदयकं	८४
४५. थव छेँस तयमते आम्राजु	५४
४६. छंगु रूप खनाव मइ	८६
४७. ह्मिया ह्मियं झासं भाजु	८८
४८. तयमते थव जौभन	८९
४९. लसिकल न्यासि मिखा	९०

५०. प्याखन हुयार्थें	६१
५१. भाजु सिया मेव मसिया	६३
५२. तयमते जि दुःख याता	६४
५३. कृष्णजुया चरित्र	६५
५४. कृष्णजु दिनान मन थीर मजुवनि	६६
५५. भवभूति रिखिश्वर	६७
५६. श्री गंगास स्नान याता	१०२
५७. सुलोचना माधव	१०५



जय श्री कालिमाइ

[राग-सिह्याज्या]

जय श्री श्री कालिमाइ देवि देओयाके सेवा ह्तां ॥धु॥

मुग क्षेत्रन बिज्याक सिद्धिघाटे नाप लाक
नर लोक प्रसन्न याय माल ह्तां ॥
उन जोति निरमल तिरस परबत निखे काक
घुसुहुन रसन बिज्याक ह्तां ॥१॥

देविघाटे मोल ल्हुय सरिर निर्मल याय
हरिजुया दरशन याय ह्तां ॥
सुर नदि पञ्चद्वि नारायणी नाप लाक
सालिक नाम देव सिद्ध जुल ह्तां ॥२॥

तेतिस कोति देव गण देविघाते नाप लाक
सालिक नाम देव सिद्ध जुल ह्तां ॥
शिवरात्री मेला जुइ त्रिवेणी मोल ल्हुय
दको पाप फुइव ननान ॥३॥

ह्लाकह्य अज्ञानि जन यात सुपुरुषं
दोन थास क्षमा याय माल ह्तां ॥
नेपालया छत्रपति श्री रन मल्ल जुजु
प्रजा यात सुख बिय तेल ह्तां ॥४॥



हरिजुया चरणस

[राग-सिह्वाज्या]

हरिजुया चरणसं भजन नि याहुने ॥ध्रु॥
ब्रह्मलोक विष्णुलोक इन्द्र महेश्वर ह्नां ॥
देव दको उलाडाव समुदर यात ह्नां ॥१॥
धर्म दानं सु दयेकल नाग राजा सेन ह्नां ॥
वा गाकिह्य बालसुकि लख जल थल यात ह्नां ॥२॥
लसतासे डडुग जुल थनि सिह्वाज्या याये ह्नां ॥
ज्यामि हातला नारद मुनि हेल वलभद्रजु ह्नां ॥३॥
पुवा कावह्य ब्रह्मा विष्णु पुवा तिन रुकमनिजु ॥
वा पितह्य सरमुति माजु लछिमि राधिका ह्नां ॥४॥
थिथि मिखां ह्लिसे स्वसे याकलन पित ह्नां ॥
अतिन उताप जुल लख होला होला ह्मितल ह्नां ॥५॥
सिह्वाज्या दको धुनकाव हर्षमान बिज्याक ॥
कोति कोति देव लोक कृष्णयाके बिनति ॥६॥
अपसरा प्याखन हुल इन्द्रया सभा सम ॥
सोकमि अनेग लोक लछिमि राधिका निह्य ह्नां ॥७॥
ताल थाकह्य गन्धर्व गण जुल तन्त्र थाक इन्द्र ह्नां ॥
बास पुवह्य सिरि कृष्ण मे हालाव जन्त्र ह्नां ॥८॥
सुमरपा लखलपे दस देव दुर्ग ह्नां ॥
जेष्ठ मासे शुक्ल पक्षे पंचमि तिथिक ह्नां ॥९॥
डय सिक कंथ मसिक तालह्यया गथा ह्नां ॥
नृप श्री निवास जित उधार नि याहुने ॥१०॥



नमो लोपा

[राग-सिह्वाज्या]

नमो लोपा लोग्य जन थव त्वालया गणेश
लोकसेन सुमलपा श्री बज्र जोगिनि ॥
सिह्वाज्या वन मईं पनि मनजा बोलयो ॥१॥

जवस सपल हाकुलन सिह्वाज्या चित्तन तिनाह्य
ह्लासस थियक स्वान छुनाह्य ॥
जितुं जितुं न्वातकु जिमि कलातन न्वायुरे
त्यासे न्वातके मते ह्नां ॥२॥

ज्या याना मचायकं ख्यालनं न्वातके मदुला
यवन यथे थधाले भाजु छि व जि मखुला
छि कलातन न्वातसा भाजु जि पनि मदुला ॥३॥

आमथे मखुखे मईं धर्म हने मानिखे
थिथि माया वनाव छाय छन भालत दवखे
चोने म्दु थ्व संसारे माया मतेले ह्नां ॥४॥

आमथे मखुखे भाजु वाउ कयता काहुने
मधालेन धाये धुन मन बोध बिहुने
जिमि पुसामि मभिन खवाल विरस चायापु ॥५॥

आमथे मखु मईं सिये बुये मानिखे
वाउ कयतास लोभ चाया मखुगु कारण यायेला
जि मनस मलो मईं ह्नाये मते ह्नां ॥६॥

ग्रामथे मुखे भाजु ग्राम छु खँ ह्लानाखे
छिके मन वन धका थ्व गुमान खँ ह्लानाला
स्वकुट्या हाकह्या ताहाक ज्ञानजा कायेमते ह्लां ॥७॥

धर्म किर्ति यश थिर थ्व संसार अस्थिर
जमया आज्ञा बल न्यासे मवसे मगाक ह्लां
लोभ माया तोलताव वने स्वहुने ॥८॥

नमो लोपा नव नाग दस दिगया देवतुं
आकाशस वायु मेघ राजा नमस्कार याहुने
दस काल सिह्लाज्या भिनके प्रसन्नं ॥९॥

स्वान भुज मंगल नेपाल सम्बत ह्लां
जेष्ठ मास कृष्ण पक्ष अष्टमि तिथि ह्लां
ज्ञानि गुणि पनिसेन हिस्याये मते ह्लां ॥१०॥



मतेलेन दुदल माजु

[राग-सिन्हाजा]

मतेलेन दुदल माजु उधार याहुने ॥धु॥

फुलचो माजु लछिमि देवता मनुखया
गति मति थान ह्नां ॥

फुलचो माजु धासे लोकन नाम कास्य
वा गाचकाव ह्ये तेल ह्नां ॥१॥

ध्यलचो माजुन तदहया नागनि
कोयना गणपति देव ह्नां ॥
रिद्धि सिद्धि लातकाव सिन्हाज्या वन पनि
गाहक लाक प्रसन्न ह्नां ॥२॥

दुदल गणेश सुमलपे अनेग
पुजा कर्म याये ह्नां ॥
दुदल माजु धास्य लोक वल कोस्य
गंगान हायक प्रसन्न ह्नां ॥३॥

सिन्हाज्या त्यलयो गोह्यन धायुओ
बुं वना वा पिल नि वने न्हां ॥
गोह्यसेन जिचि स्यात गोह्य भाजु यिनकल
जित नापं ब्वना यवं न्हां ॥४॥

बुंस थेंक वल मईं मईंचा मतेनापु
लखस चोन तंम चाह्य थें न्हां ॥
छन रूप जौभन खनाव जि मन वन
धिरज याये जि मफया न्हां ॥५॥

वने लं मसिया गुगु दिसा मसिया
छिन जि नापं बोना यहुंनि न्हां ॥
जिन छि लिलाक पलाखन वया भाजु
कुसानी जोना ज्ञासं न्हां ॥६॥

खंया खं ज्याया खं दये माल गथे भाजु
पुवानि जोना ज्ञासं न्हां ॥
आमु बंस वा पिये जि मसया गथे भाजु
छिसंनि पिनाव केव न्हां ॥७॥

सुया वने वागाले कुसानं कुया थें
छि व जि चोने ययापु न्हां ॥
सुया चिने निभा तोयु कुसाजा तोलताथें
मनजा उसि उसि सन न्हां ॥८॥

सिन्हाज्या जुव खना तिस्य वनि धकाव
हल जल याये जि मतेले न्हां ॥
जिन छि भालपास्य छि व जि मन जुस्य
मनजा थिथि वाये मते न्हां ॥९॥

खचि खाचा दखलख मेले वने मते मई
जि बिचाः याना धाये न्हां ॥
आमथेजा मयो भाजु छिगु मनसं खनसा
छेंस बोडाव यहुने न्हां ॥१०॥

सिन्हाज्या धुनकाव सिलं चालं धुनकाव
द्वादसि उपासन चोने न्हां ॥
व बेलस छिन जिके भावना दतसा
पुसामि छि जुल धाये न्हां ॥११॥

मंगलन लित ललित पुरीस
 कुंभ तिर्थ हरिहर न्हां ॥
 बचन श्व देशया विष्णु मल्ल जुजुया
 जस परताप बोल न्हां ॥१२॥

लोकनाथया नाम कास्य चोने जि भलोसानं
 उधार जि याये तेल न्हां ॥
 छलपोलं मसोसे सुनानं दया दयु
 करुणा दया दस्य प्रसन्न न्हां ॥१३॥

★

शिव शिव श्री महादेव

[राग-सिह्नाज्या]

शिव शिव श्री महादेव त्रिभुवनया नाथ ॥१॥

खव बछि रंग हेंगुलि रंग, सिलस गंगा बास बिलं ॥

यम अति चंख भुत व संग, मननं नेनकं देश हिलं ॥१॥

जतास रुद्राक्ष बिन कोखालं, चन्द्रकला छुना तलं ॥

विभुतिन बुलं जोन त्रिसुलं, झिगुलि दिसास सोल जुलं ॥२॥

गलस कोखालं मोलया मालं, मोनगु हालं तेज थुलं ॥

न्हसस तिसा बागया हिसा, बाहान थुसा गया जुलं ॥३॥

गजि भांग नसा अफिम नसा, यस नयाव मस्त जुलं ॥

मिखा स्वंगलं मिगुलि बोलं, कामदेव भस्म जुलं ॥४॥

छेंगुलिं लासा दबु दबु थासा, नाग जनिख चिना तलं ॥

त्रिभुवनया नाथं भुत व साथं, प्रेत पिशाच इष्ट जुलं ॥५॥

जवस नंदी खवस भिंदी, शंकर नाथं सिद्धि बिलं ॥

रसन बिज्यासे प्याखन हुसे, मुसुहुन न्हिलाव थान कालं ॥६॥

देव महेश्वरं तेज प्रकाशं, दीप बास याना चोनं ॥

थम अद्भुतं वानस जुक्तं, जोगी जुयाव फोना जुलं ॥७॥

छिगुलि चरित्रं लहाये अशक्त, दोन थास क्षेमा याव शिव ॥

जुजु जय प्रकाश शिव समान, लोक उधार याव ॥८॥



संसारया कारणस

[राग-सिह्वाज्या]

संसारया कारणस विघन फुतकुह्य
सिद्धिदाता गणपति देव ह्नां ॥
बलिखाया समयस वा गातकाव चोन
बासुकी नव नाग राजा ह्नां ॥
त्रिभुवन रक्षा याक मछिंदरनाथ ह्नां ॥१॥
वा पिये दिन जोने विरिचि नारायण
धलया माया मुमालक ह्नां ॥
मेघया राजासेन गन्धर्व प्रमुखन
पृथिविस तोकपुस्य हल ह्नां ॥
सोरे सोरे भरे याना वा गातकाव हल ह्नां ॥२॥
कह्लस वा पिये ज्यामिनि हाल वने
ह्लसपि बु धुनकाव वय ह्नां ॥
अयले मिसा हाय हिस्यायु ज्यामितसें
भिनक सह्या याना वायो ह्नां ॥
द जिवखे सयाथ्य फयाथ्य सह्यालनि याय ह्नां ॥३॥
सयाथ्य फकोन ह्लसकन धनकाव
इतु इस्य सह्या याना चोना ह्नां ॥
थव थथे चोतलेन तवसिन भाजु झाल
मुसुहुन ह्लिलाव झाल ह्नां ॥
भवेभ्वेककं ह्लसकन कास्य सुलाव तया ह्नां ॥४॥

अयले मईं हाय छ गन वने त्यना
 लसिकल सह्या याना चोन ह्नां ॥
 आपुलुखं झाल भाजु छि बंस वा पिय धका
 ज्यामित दयकाव वन ह्नां ॥
 सह्या भति याना च्वना जि वने त्येल ह्नां ॥५॥
 मेवता कारणं जि वया मखु मईं
 वा पितलाखे धक वया ह्नां ॥
 संदेह काय मम्वाल भाजु छि बंस थनि धुनि
 जि वना चोयकल वने ह्नां ॥
 हुंजा हुनि मईं छन जि खं भति नेहुने ॥६॥
 मछाला भाजुन छु उजन दये तेना
 जिवगु जुलसानं नेने ह्नां ॥
 मेवता मखु मईं छन रूप यौवन खना
 कामस अति लोभ जुल ह्नां ॥
 लाल बालं खँ लहात भाजु जि छें झाये मते ह्नां ॥७॥
 चाकुगु बचन खाइके मते मईं
 चाकुगु चाकुकातुं छोव ह्नां ॥
 हिसि मदु भाजु छिन छु उजन दया दिया
 अम खंजा जि चित्तस मलो ह्नां ॥
 भाजु छिन मतेव खं ह्नानाव दिल ह्नां ॥८॥
 अयले मईं हाय जिगु खं छहुतिन
 छन जित तापाकुसे हल ह्नां ॥
 छन जि तापाकुसा जिन छ तापाके
 जिगु बंस वा पिये मदु ह्नां ॥
 निश्चयन बं थवये धुन जि वने तेल ह्नां ॥९॥

आव गथ्य याय जिन छु उपकार याय
 नुगल कर्चिगल दन ह्नां ॥
 तोहल मदयकं बं थोत धका धाइ
 कारण छु छु धका नेनि धाइ ॥
 थुगु खंजा पुसामिन सियेके मज्यू ह्नां ॥१०॥
 भाजुजा हुँ हुँ थ्यन आव गथ्य याय जिन
 सितिकन बं फुतके मज्यू ह्नां ॥
 आसेले भाजु हाय खं छगू बिनति याय
 थनस लिहां भति झासं ह्नां ॥
 छाय भाजु थुलि खंस अवे चास्य झाया ह्नां ॥११॥
 मेबता कारण जि ग्यानागु मखु भाजु
 पुसामिन सियि धका ग्याना ह्नां ॥
 अयले मईं हाय थुलि खंस छ ग्यानाला
 गुपतगु गुपतन छोय ह्नां ॥
 परगत मयातसा छिगु बचन नेने जुल ह्नां ॥१२॥
 अयले भाजु हाय छिगु खं न्यने जुल
 जितजा चिह्न छता फोने ह्नां ॥
 पीन पाखे लात मईं छु चिह्न बिय छनत
 जिके दुगु छमोहल नि काव न्हां ॥
 निह्य सुखं ख्याल याना तले वने नुयो न्हां ॥१३॥
 झासंने झासंने हिस्याये मते भाजु
 सयार्थे रस जिन केने न्हां ॥
 धन्य धाय मईं छन जि खना दया दत
 अतिन रस ताय धुन न्हां ॥
 लाहा जोना साला कथं घस पुना यन न्हां ॥१४॥

खन यो भाजुन लहस न्हसकन
 भतिनि सोय धका काल न्हां ॥
 न्हसकन छखे धनका निहसया किपा खना
 भाजुजा अति रस ताल न्हां ॥
 नाना रस रंग याना ह्मिताव चोन न्हां ॥१५॥
 सयार्थे फको जिनं रसजा केने धुन
 आवजा जि वने तेल न्हां ॥
 छनिं वने मखु मईं जिनिं वने छ हुनिव
 छन अति दुख ताय मते न्हां ॥
 हतासन चंपास्वान डानाव वन न्हां ॥१६॥
 छु ज्या नं पन मिसा गुगु ज्या नं पन मिसा
 देवजा बान्हि जासे वल न्हां ॥
 बुई चोह्म छन छु सिइ लायकुया चंपास्वान
 जोनाव त्वायभत झाल न्हां ॥
 त्वायभत पाहां याना चोतले भति लिबात न्हां ॥१७॥
 ग्राम ज्या नं पन धका मसिया मिसा जिनं
 मुस्वाल वा पिय सोव न्हां ॥
 लायकुया चंपास्वान जोनाव वया जिन
 छिमित छफो छफो काव न्हां ॥
 ज्यामितसे रस तास्य छफो छफो काल न्हां ॥१८॥
 च्यासल खुयखु आषाढ कृष्णतिथि
 ग्रामाबास्या सोमबार दिन न्हां ॥
 थुगुलि बेलस राज्यया नृपति
 श्री राज्य प्रकाश मल्ल न्हां ॥
 ललबलं ख्याल याना सिन्हाज्या धुन न्हां ॥१९॥

★

ह्रियाह्रिथं लुमनकाव

[राग-सिह्वाजा / ताल-चो]

न्हियान्हिथं लुमनकाओ हरिनाम काओ ॥धु॥

गणेश सिद्धिपति गणया थाकुर

गणस बिज्यानाव चोन न्हां ॥

चरण लखलपे चछिया न्हिछिन

चरित्र लोक उपकार न्हां ॥१॥

जुलयो अजुगति जुलयो जग दुख

जुइओ गथे गथे आशा न्हां ॥

धन लाभ कासे धरम मयासे

धरलपु पाप शरीर न्हां ॥२॥

ओनेतेल झिझिस ओनिओ जमपुरी

ओनान बुये सिये माल न्हां ॥

जुयाओ चोन खना जरमया साजन

जरमन दुख सिये माल न्हां ॥३॥

कलिस जरम कपति पाप मन

कथा नेव गति लाय लोक न्हां ॥

थुगुलि याडान थुगुलि जरमस

धुनक हरिनाम काओ न्हां ॥४॥

मनुष जरम समजरे सदान

मनन गथे गथे मसिल न्हां ॥

सजन सुबचन सुमति मडन

सुखस पाप भोग यात न्हां ॥५॥

कुसंग संगस कुबुद्धि पाप मन
 कुमति कुल नास जुल न्हां ॥
 दयाओ धन छाया दसेन दान महु
 दरिद्र जुड लिथु जरमस ॥६॥
 मनुख थव शरीर मखुथें तिरिजन
 मचोसे पुत्र परिजन न्हां ॥
 थमन याता जक थवत दयिओ
 थमन दान पुण्य याय माल न्हां ॥७॥
 बल थओ दत धका बल महुहायात
 बलन दुख बिसे सन न्हां ॥
 परयात दुख बिये परम पाप लाक
 परस नरकस लायि न्हां ॥८॥
 सार सारस साधुओ संगस
 सहजन सुख गति लायि न्हां ॥
 परयात उपकार परम धरम
 परस परओन लायि न्हां ॥९॥
 डेबान पाप फुक डहुने हरिकथा
 डहुन्य भारथ पुराण न्हां ॥
 जरमया पास फेनिओ तव धरमं
 जयलपे हरिनाम काओ न्हां ॥१०॥
 बचन पितन वसुदेव सुतन
 बचन हरि सेवा भाव न्हां ॥
 जुजु भुपालेन्द्र जुगुतिथें देहलपु
 जयतु सदा जस लाये न्हां ॥११॥

★

बृन्दावन बृंस

[राग-सिन्हाज्या]

बृन्दावन बृंस हरि सिन्हाज्या बिज्याक ॥ध्रु॥

साझवाल पनि यन वा पिये बोडाव रे
उधवन पुवा बिल मगन जुयाव रे ॥१॥

गोकुलया गोपि गन अन वल होन रे
कान्हजुन भउ धाल अनेक विधान रे ॥२॥

वसुदेवजुन हल कुल ज्या याडाव रे
देवकिन चिन्तायात बृंस हिलाव रे ॥३॥

बालक थथिथा हरि दथुस चोडाव रे
बस पुल कामि पनि खुसि जुयकाव रे ॥४॥

धातु मुनि मिखा संवत नेपाल रे
तओछोला पुनिसिन गुणीकन ह्लाव रे ॥५॥



ए हरिजुया चरणस

[राग सिद्धाञ्ज्या]

ए हरिजुया चरणस भजननि याओ न्हां ॥१॥
ब्रह्म लोक विष्णु लोक इन्द्र महेश्वर त्वं ॥
देव दको उलानाओ यात समधार ॥१॥
रस तासे इन्द्रन जुल थन रस तासे न्हां ॥
ज्यामि हाक नाखं हल वलभद्र त्वं ॥२॥
थमन सु दयकल नाग राजासेन त्वं ॥
वा गाकल वालमुकिं लंख जल थल जुल ॥३॥
पुवा काओ ब्रह्मा विष्णु पुवा तिङ् कृष्ण त्वं ॥
वा पिकह्य सरस्वति राधिका न्हां ॥४॥
थिभि मुख इसे सोसे एकमन जुसे पिक त्वं ॥
ताप नोल उताप जुल लंख होला होला हितल ॥५॥
ज्या धुनकाओ दको देव हरखन बिज्याक न्हां ॥
ब्रह्मा जुल थम गुरु विष्णुनं खि थाक त्वं ॥६॥
ताल थाक गन्धर्वनं जन्त्र थाक इन्द्र त्वं ॥
बस पुल कृष्णजुनं मे हाल हरि यदु त्वं ॥७॥
अपसरा प्याखनं हुवरे इन्द्रया सभास त्वं ॥
सोकमि अनेग लोक राधिका लक्ष्मी त्वं ॥८॥
सु प्रमाओन मोहरपु अनेग दसदिग देओ त्वं ॥
चन्द्र सुर्य नाना देवसके ल्लाक बिमति त्वं ॥
जेष्ठ मासे शुल्कपक्षे पंचमि तिथि त्वं ॥
सुन्य अष्ट बसुन्धरा नेपाल वत्सर त्वं ॥१०॥
उन कंथ सीक न्हस गाम वल त्वं ॥
नेपालमा छत्रपति विश्वजित मल्ल त्वं ॥११॥



श्री स्वयम्भु नाम कासे

[राग - सिह्वाज्या]

श्री स्वयंभु नाम कासे कामुना याओ न्हां ॥९॥
उन कपुरिया उन नाम श्री बैलोचन
आदि बुद्ध धका सिया न्हां ॥
सिंहया हस दिस्य चिन्तलपा मन दयकु
थ्व संसार सार न्हां ॥
सार बिस्य कुल ज्यास भिनक ज्या सओ न्हां ॥१॥
गगन वरन अक्षोभ्य मुरति
निर्मल सरीर भू भुपति
अतिन बल थुओ निगुलि दन्त दुह्य
कुबुस्य तल थ्व संसार न्हां
न्हियान्हिथं लुमनकाओ वा पि(ये)ज्या याओ न्हां ॥२॥
सुवर्ण सम तुल्य रत्न संभव मुनि
भुमिस भलसा दयेकु न्हां ॥
अतिन हिते सओ तुरंगया हस चोसं
लोकया चरित्रनि स्वये न्हां ॥
छयाल याये मते लोक पनि वा पि(ये)ज्या याओ न्हां ॥३॥
अरुण बरुण अभिताभ मुरति
जोगस जुगांजुग वन न्हां ॥
ताहाक बल कास्य वा पिक पनि स्वस्य
मयुरया हस चोसं बिज्याक न्हां ॥
सतिक वा पियेमते तापाकेन मते न्हां ॥४॥

कोमल नयन अमोघ सिद्धि मुनि
 लोकस अभय मुरति न्हां ॥
 बलिखा समयस वसया बाहान
 नागातुं लिसे वातुं गाक न्हां ॥
 बिलंभ यायेमते लोकपनि एकचित्त याओ न्हां ॥५॥
 लसिकल भउ पनि सोव सोव मन बोल
 पुवा म्हुति जोने मन मदु न्हां ॥
 धरम तोलताओ भालत छे छेसे
 मिखान जितुं जितुं स्वत न्हां ॥
 सरम मदु मईं पनि खनाओ ग्याना न्हां ॥६॥
 थव जुगस अजुगति स्वओ स्वय मईं पनि
 सपलस कापत दुथना ह्हां ॥
 छित बिया लनमुल तुकमुल स्वसुकि
 सिंधलस तुक मुल डासुकि ॥
 अथे मते मईं पनि मन लिकाओ न्हां ॥७॥
 ह्लाकह्म श्री रणजित मल्ल खव मखु स्वव जन
 निदान धरमन साल न्हां ॥
 पिनाव वा बुयेके नयान जरम हने
 धरमन थथे पिय सोव न्हां ॥
 श्री स्वयंभु नाम कास्य कामना याओ न्हां ॥८॥



पिरतिया पुरुषन

[राग-सिह्वाज्या]

पिरतिया पुरुषन बाना जित (ता)थल ॥ध्रु॥

झालयो सदेश जुलयो बन बास

जुया जि मन अति विलास ॥

वसया चरनसं चोने जि अति रस

जुया जि मन अति हतास ॥१॥

मनन भालपार्थ मतिल दयोबन

त्वलताव वन व पुरुषन न्हां ॥

तिरिया तन मन मबिले दयोबन

होनकिओ ओह्य प्रभु ननानं ॥२॥

होलयो जिलस्वान अतिन बासनानं

भंबलन रस काये मखन ॥

चाह्लस लुमनाव चोना जि याकतन

खोयाव जि नुगल मछिन न्हां ॥३॥

चाह्ल ह्लिन सुमलपा भीमसेन देवयाके

वह्य प्रभु ननानं थ्यनक न्हां ॥

मनया संतापन सरिर जि गना वन

फुतयो थ्व जुनि सितिनं ॥४॥

भीमसेनया दयान झालयो वह्य प्रभु

लसया खँ भतिनि ह्लाये न्हां ॥

छवालला अति भिन मुसुक ह्लिला केन

खं ह्लाये अति भिन बचन न्हां ॥५॥

न्यासल गुयखु आषाढ कृष्णया, आमस्या सोमवार दिन न्हां ॥

पुगुली बेलस संसारया नृपति श्री सिंहप्रताप जुल न्हां ॥



श्री करुणामय लोकनाथ

[राग - सिह्वाज्या]

श्री करुणामय लोकनाथ उधार याहुने ॥धु॥
गोरखनाथ भिक्षा फोन बल
लोकं भिक्षा फोने मबिल ॥
नव नाग तोक पुस्य आसन यानाव
द्वादश वर्ष वा मगाक न्हां ॥१॥
नरेन्द्रदेव बन्धुदत्त आचार्य
कर्कोतक सहित वन न्हां ॥
मंगल श्री देसस जप तप साधन
कमल किसानन कोबिल न्हां ॥२॥
राजासके फोनाव लोकनाथ हयाव
नेपालस थेनकल हल न्हां ॥
गोरख नाथन मछिंदर खनाव
आनन्दन दरसन यात न्हां ॥३॥
थुलि स्वयाव नाग राजा वनाव
मुसलधारा प्रमानन वा गात न्हां ॥
मह्लि वा गातकाव आहार बियाव
आनन्दन लोक रक्षा यात न्हां ॥४॥
पुसा वा होलाव परकाल स्वयाव
सिह्वाज्या ह्यति ह्यति यात न्हां ॥
सिह्वाज्या धुनकाव श्रावण मासस
पिण्ड पात्र अन्न दान बिल न्हां ॥५॥

वैशाख मासया परूवा दिनस
 रथस दनाव बिज्याक न्हां ॥
 विरंचि नारायण अति हरषन
 लोक उधार यात न्हां ॥६॥
 दानया प्रभावन अति पुण्य लानाव
 भावन सम्पति जुल न्हां ॥
 वैशास मासस लोकन भालपाव
 थव थव देगु पुजा यात न्हां ॥७॥
 वह्या कृपान लगन जात्रास
 आसिखा बियाव बिज्याक न्हां ॥
 सम्वत द्वि डेगुलि दुर्गा सहितन
 तछलाया एकादशी दिन न्हां ॥८॥
 खव मखु सोव पुरूखसेन
 खने मदु सुया नुगलस न्हां ॥
 ल्लाकह्य श्री रणबहादुर महास्थविर वस
 लोकनाथया महिमा खं न्यन न्हां ॥



तोलते मते भाजु

[लोकगीत-सिंहाज्या]

मिसा- तोलते मते भाजु ज्ञाय मते दिसं रे ॥धु॥

मसिलेन सिय धुन रसया भाओ जाल
थिरन पिरति तय माल न्हां ॥

मसिलेन सिय धुन सितल वचन भाजु
श्रीखण्डया वासना थें न्यन न्हां ॥

लंस नाप लानाबले स्वस्य दिल भाजु छिनं
बालाक ओथें जि डेन न्हां ॥

तन मन जुल नुगल मछिन
मन कोपियके जि नं मफुत न्हां ॥

मिजं- नको जाओ जौभन अमृत थें न्यन गुण
स्वयनतु स्वय मगाक न्हां ॥

हया तल मई छन नय धुन जिनं
देव कन्या लाना थें जि मन ह्हां ॥

मुखया रस जुस्य मोहस जि दुपिस्य
थिर चित्त लिमकास्य चोना ह्हां ॥

काम कस्तिस भंबल थें इल ओन
मचायकं तोना ह्हां ॥

ओने तेल तोलतिओ नसन फाइ मई
लोकन सिइ धका ग्याना ह्हां ॥

मिसा- नसंसा छि चछि पिहां झायमते भाजु
संदेह मदु थन दिसं ह्लां ॥

मधुर थें थ्व पिरति मस्यन मगाक भाजु
थुगु बेलस तोलताओ झायला ॥

मन पुरे मजुओ गथे छाय झाय तेना
जि मन पुरे याना झासं ह्लां ॥

मिजं- तोलतेजा मन मदु छन रूप स्वस्य जिन
छेंस चोनहा तिरि खोइ ह्लां ॥

मिसा- आमथेजा मखु भाजु छिनं जिके प्रसन्न जुस्य
जि जक तिरिजन मखुला ॥

मिजं- चोने मदु थ्व संसारे ओनेमाल तोलताओ
लिथ जन्मस गन लाइ मसिया ह्लां ॥

नृपति गिर्वाणयुद्ध विक्रम शाहदेव
स्वामि जुजु नं ह्लात ह्लां ॥

★

मते मते भीम राजा मंगल याहुने

[राग-सिह्वाजा]

मते मते भीम राजा मंगल याहुने ॥ध्रु॥

नकोस माम बबुं बिबाहार याना बिर

वहा प्रभु सं ज्ञाय धार ह्तां ॥

वया दच्छि मदयक वहा प्रभु मदयकं

चोनेजा जि गथे गथे जुयु ह्तां ॥१॥

गनां गने मज्यू प्रभु न्वाना नं मकं प्रभु

जि मन अति दुख जुल ह्तां ॥

कामस दुफिडाव मछोय धका जिन

अनेगु रस केने धुन ह्तां ॥२॥

मते मते प्रभु छिके सहस्र बिनति

जि वाना छि गथे ज्ञाय ह्तां ॥

नकोया जउभनस पुसामि मदयक

चोनेजा अति जि मफया ह्तां ॥४॥

गना गने मजुस्यरि जित पार बिया थकि

जि मामया सरनस वने ह्तां ॥

छंत पार मदु तिरि जि छेया भाला छनत

भिनक निदान याना चोंव ह्तां ॥४॥

सत्यन वनि जुल आव गथे याय जिन

मंगल यानाव छोय ह्तां ॥

सुमंगल सुदिन सुबेलाया घउलिस

मंगल यानाव ज्ञासने ह्तां ॥५॥

लस सगं जोनाव मंगल यानाव
थिथि पासा कोल पाल च्वन ह्तां ॥
वया लँ मिखां मखं ख्वबिन खुसि न्ह्याक
तया पालि ल्याहा ल्याहां वन ह्तां ॥६॥
छेया लुखा खस्यनिस्य दुहा वने मन मदु
मनस अति अभिमान ह्तां ॥
दुहां वना स्वया बेले अंधकार जुया चोन
मिखास ख्वबि हुसे चोना ह्तां ॥७॥
वहा प्रभु मदयाव नयार्थे मनेन प्रभु
थ्व जिव संदेह जुल ह्तां ॥
सरिर गना वन हार जक हार जुल
जि मन तयां तय मजिल ह्तां ॥८॥
था तया पतिस सकुशल थ्यन धकं
पतिस तयाव हल ह्तां ॥
तिरिया मन तोय धिरज याय माल
पतिस तयाव हल ह्तां ॥९॥
चान्ह न्हिन लुमनाव वहा प्रभु लुमनाव
सरिर गनाव वन ह्तां ॥
जव खव स्वयान एकान्त जुया चोन
देहन सह याय मजिव ह्तां ॥१०॥
वहा प्रभु ज्ञाय धका थनि सल थेन जित
पतिस सत्य वय धाल ह्तां ॥
थुगु सल थ्यसें निसें तोने माल रष थें
जि ननान खवाल स्वय दयक ह्तां ॥११॥

चाह्ल ह्लिन सुमलपा भीमसेन देवयाके
जि प्रभु ननान थ्यनकिओ ह्लां ॥
थुगु दुख फुतकाव भीम राजान
मनोरथ पुरे याना बिहुने ह्लां ॥१२॥

भीमसेनया दयान ननानं थ्यन प्रभु
सरिर कुसलन थ्यन ह्लां ॥
तिरिया तन मन मंगल यातकाव
मनस अति रस ताल ह्लां ॥१३॥

भीमसेनया दयान होने दत थनि जिन
रस रंग ग्वयाव ह्यनु ॥
रस रंग चोतलेन नसंचा फाव मचा
दनेजा लिबानाव चोन ह्लां ॥१४॥

नेपालया छत्रपति श्री रनबहादुर
अनेग धरमस बिज्याक ह्लां ॥
लोकया धंदा कासे देशंस थितितसे
सुखया आनन्दन बिज्याक ह्लां ॥१५॥

ह्लाकह्याया सुबचन डेने पंच सकस्यन
दसकार सिह्लाज्या ज्ञासंने ॥
सिन्हाज्या मे हालाव रसन दयका
सुखया आनन्दन बिज्याक ह्लां ॥१६॥



श्री भीमसेन दया तसे बिहुनि

[राग-सिह्वाज्या]

श्री भीमसेन दया तसे बिहुनि ॥ध्रु॥
नकोस छिओ होना नये तिये मभालपा
सिङ्गेहन छि छम्ह सिया ह्तां ॥
अथे धायमते मिसा ओने जुल छबारनि
संदेसया चरित्रनि स्वये ह्तां ॥१॥
मलुमने गथे जिनं छिगु रूप जौभन
मभालपा छिओ जिओ बाल ह्तां ॥
मनुखया जन्म जुय महु छेस घर सार
संदेस छधुलनि ओने ह्तां ॥२॥
याय गथे छिओ जिओ बालखया पिरति
श्व नुगल गथे धैर्य याये ह्तां ॥
धन्दा कायेमते तिरि कुल धर्म सोचे याओ
लोक पंच लोयकाओ ताथ्य ह्तां ॥३॥
जिर जोरि श्व सरीर गन हने श्व परान
गनगु सिमाया थे नेन ह्तां ॥
खचि खाचा दख लख छन सोओ तिरि
दको फको जोनाओ ओय ह्तां ॥४॥
स्वस्य स्वस्य ओय धुन स्वओ प्रभु करुणान
स्वये धुन छिगु धर्म थुलि ह्तां ॥
छाय छन अथे धया उलि पापी जि खनाला
लिथेनेओ स्वये महुला ॥५॥

लाये गथे ओस प्रभु लातकिओ दइबन
लाये जुल थओ भजनान ह्वां ॥
देव देवियाके भाओ भजना याओ तिरि
दइबया दया दइ थुका ह्वां ॥६॥

... ..

... ..

यं देसया अधिपति श्री रणबहादुर
ओसपोलया परताप बोल ह्वां ॥७॥

★

श्री करुणामय दरसन याये ह्नां

[राग-सिन्हाज्या / ताल-चो]

श्री करुणामय दरसन याये ह्नां ॥ध्रु॥

गोरखनाथन भिक्षा फोन वयाव

लोकन भिक्षा मबिल ह्नां ॥

नव नाग तोक पुस्य आसन यानाव

द्वादश वर्ष वा मगाक ह्नां ॥१॥

नरेन्द्र देवन वंधुदत्त सहित

कर्कोतक सहित वन ह्नां ॥

कामुनि नगरस जप ध्यान यानाव

कमंदलु तोक पुस्य हल ह्नां ॥२॥

राजायाके फोनाव लोकनाथ हयाव

नेपालस थेनकल हल ह्नां ॥

गोरखनाथन मछिंदर खनाव

दयान दरसन यात ह्नां ॥३॥

उखुन्हुया दिनस नवनाग वयाव

मुसल धारा परमान वा गात न्हां ॥

वा गाक खनाव आनन्द जुयाव

लोकया अति हर्ष जुल न्हां ॥४॥

बेल काल जुयाव पुसा वा तयाव

लोकन सिन्हाज्या यात न्हां ॥

श्रावण महीनास अष्टमि दिनस

पिंद पात्र अन्न दान यात न्हां ॥५॥



अय धन मतेना सिन्हाज्या वने

[राग-सिन्हाज्या]

अय धन मतेना सिन्हाज्या वने गन
जिगु मन छव लिसे वल न्हां
क्वपितके मजिव मई मन बोध बिब न्हां ॥१॥

गथिनजा हेतु बचन पिचु
देना थास ह्यनार्थे खँ ल्लात न्हां
सोय नायु सवजा क्यातु ग्यानापु भाजु न्हां ॥२॥

छन रूप लसिकल खनाव जि मनस
ख्वाल चन्द्रमार्थेतु ताया न्हां
काव आशा पुरय याय महु धरम याव न्हां ॥३॥

मनसजा याय गथे सियुभिन ग्यानार्थे
दोमन जुलयो संदेह न्हां
थव खुसी महुह्याया मनजा वन न्हां ॥४॥

गुपत सुपतया खँ महु मखु
गोह्याया जौभन खचि थुका स्वान न्हां
इवाल स्वान मखुलि थें बान भंवलया बान न्हां ॥५॥

मिजनया थास महु विश्वास
लिथे वायुव फास फुस न्हां
थुलि यायुभिनं जि ग्याना भाजु परस्पर हासे न्हा ॥६॥

जिगुलि बचन सोव निदान मई
तुंचिलि जि बचन मचिउ न्हं
लोहतस चोयागु आखल जुयिव निदान न्हं ॥७॥

आमथे खवला सत्य छि दवला
पसय जुल जिव थनि न्हं
पसय यासे मिलय जुयाह्य वायुजा मखु न्हं ॥८॥

जिगु जिवं जुतले छन जित धातले
तोलते मखु छि परान न्हं
धर्म छिके दवला भाजु सत्यन खवला ॥९॥

संवत च्यासलया नाग रथ थुसाया
निखेस समुदर मिति न्हं
तछा गाक दुतिया कुन्हु दिनजा थुलि न्हं ॥१०॥

✱

हरि हरि जि प्रभु स्वामि

[राग - सिह्नाज्या]

हरि हरि जि प्रभु स्वामि दुख बियेमते न्हां ॥धु॥
माम बुबां बिया हल, छि धका ओय धुन
छिन जित दुख बियेमते न्हां ॥
छितु छितु लुमनिओ खवये मन जुल प्रभु
जि नुगल खवयेके मते न्हां ॥१॥
सितार थानाओ बाचा बाचा पिने झाइ
छिन जित दुख बियेमते न्हां ॥
मेवया चुकरिन मखु मखु खँ ह्लात
भाजु गन ओना हने थव प्राण न्हां ॥२॥
ल्वापु मदु ल्वापु मालि लिथु हयेतनं
छिन कंहा छे जक फुइ न्हां ॥
मेले ओने धया नापं मचाखाचां दुख सिइ
जि मचात मेवमा लाहातिस लाइ न्हां ॥३॥
दाजु मदु किजा मदु सुया भरे चवने प्रभु
जिगु दुख सुया न्हेओने ह्लाये न्हां ॥
ह्मिग छिके यथे यथे थनि गथे याना प्रभु
जि पापि गन ओना सिय न्हां ॥४॥
हरि हरि जि प्रभुनं थुलि याइ मताया
जिन छिगु धर्म स्वय धुन न्हां ॥
नेपालया छत्रपति श्री रणबहादुर
प्रजा यागु बिबेक स्वओ न्हां ॥५॥



गोपाल धनी पनेमते थनि

[राग-सिह्वाज्या / ताल-चो]

गोपाल धनी पनेमते थनि, सिह्वाज्या वने ह्वां ॥धु॥

जात जि ग्वालनि लसिकल मसियानि

छि चित्त बुझे जिन याय मफुनि ॥

जोने मते धनी बिनति याय थनि

छक जक तोलताव छोव ह्वां ॥१॥

स्वानजा मुखु तिनि स्यनके मते थनि

लिपतस होयु आशा दवनि ॥

लख मडु पुखुलिस पलेस्वान मुखु तिनि

कचिकन थोयु धका ग्याना ह्वां ॥२॥

यौवन कचिनि भमल हाला जुल

उमेर जिके गाक मडुनि ॥

यौवनजा दयु तिनि सेनके मते धनी

लिपतस छिन रस याव ह्वां ॥३॥

ह्याउँक पतासि हाकु गह्या लन

सपलस छुना तल धालेपति स्वां ॥

मिखाबान पलेहल ह्वातिकास हेंगु सिंहः

म्हुतुतिस ग्वालतिन जिकनि ह्वां ॥४॥

बागमति विष्णुमति भैरव भगवति

पशुपति गणेश कुमार ह्वां ॥

नेपालया छत्रपति श्री रणबहादुर

प्रजायात प्रतिपाल याक ह्वां ॥५॥



ॐ नमो सरस्वती, ॐ नमो भगवती

[राग-सिह्वाज्या]

ॐ नमो सरस्वती, ॐ नमो भगवती
ऋद्धि सिद्धि बिभ्रो ईश्वरी ॥
सिह्वाज्या बेलस मनस बिरह जासे
उलमत जुस्य पिबवा वये माल ह्वा ॥
अय सखि चित्त थिर मडुयो उपकार याहुने ॥१॥
नकोया जौभन जाल नाना रंग स्वान
खले माया मतइव ग्वह्य मिजन ॥
तिरथस मोल लहुये जि रत्न अन
खने जुगुतितुं याक वह्य प्रभुन ॥
अय सखि माम बुबां बिल जुल डनकु खँ ह्वासन ॥२॥
मोहस दुफिसे मन मन मडु मन तसे
शुभ गति मेले बिसे हल ह्वां ॥
तोलते मफु मन सिनेह पिरति जासे
पुसामिन जित वाना झाल ह्वां ॥
अय सखि चाया चछि न्हेल मडु खोतु खोसे चोना न्हां ॥३॥
बालखया सिनेह जाले पिरतिया दासि जुले
प्रथम उमेर बिसे हल ह्वां ॥
मफया धिरज याये सरीर जि गतु गसे
हल मडु सिमा थें जि डेन ह्वां ॥
अय सखि सेहलपे मजिव प्रभुतुं लुमना ह्वां ॥४॥

गतु गसे सरीर गिन वने गिन चवने
 गितुं गिसे जिव हिन जुल ह्नां ॥
 गुंस होल जिलस्वान भमल अन मजुक
 थव जउभन बेरथन फुत ह्नां ॥
 अय सखि धिरजनि याय याकत जि जुल ह्नां ॥५॥
 सोय मद्रु माले मेले माले धाले बले डेले
 हेमालस बास यास्य दिल ह्नां ॥
 मते दिये ताकालनं ज्ञाये माल जि खँ डेसे
 थव जउभन बेरथन फुत ह्नां ॥
 अय सखि पिदँ च्यादँ दत बैश जि वन ह्नां ॥६॥
 रावनं अबला बले रावनं सिता यले
 थुगुलि तारसि थें डेन ह्नां ॥
 शिव शिव नाम कास्य म्वाय जि मन दव
 पेन्हु ह्नापा सियतुं जि मन ह्नां ॥
 अय सखि गथिन जि जुलयो दुःखया बिरह ह्नां ॥७॥
 ययान मदले म्वाये मनुछें जरम जुय
 पुसामिन जित वाना ज्ञाल ह्नां ॥
 धर्म सत्यत लेन विधातान छोस्य हल
 होनकिओ दइवया दयान ह्नां ॥
 अय सखि थव छें लिहाँ वने मन बोध बिहुने ॥८॥
 सेवकन थव खं ह्नाले लोकया सुमति जाले
 नव नाग राजा हरखन ह्नां ॥
 सुरज चन्द्रमा खले भिनक सिह्नाज्या याले
 त्रिभुवनया करुणामय मेघ राजा ह्नां ॥
 अय सखि सिह्नाज्या धुनयो प्रतिपाल याव ह्नां ॥९॥

नेपाल सम्बत जुले गगन बिन्दु मधालेसा
दुर्गाया महिमा भति सिया ह्नां ॥
तछलाया गातुं बले मंगल तिथि दले
सोमबार श्व खं ह्नात ह्नां ॥
अय सखि श्री रणबहादुरया परताप बोल ह्नां ॥१०॥



मते छाय तोलते

[राग - सिह्वाज्या]

मते छाय तोलते शबला छिन जित याय ला ॥धु॥

ह्मिग छु खँ ह्लाना छिनः गुगु सत्य याना छिन
थुलि याइ धका मननं मखना,
सते जोना माया ला तताजुन हेयिला
छिन बिया छित लन लित यने ला ॥१॥

बुझिक छि मखुलाः जिन स्यने माल लाः
तओ धन्धा काय मचा छि मखुला ॥२॥

अथ्य छिन वाय लाः सत्य त्वलता दिया लाः
मनस चोन थ्य बिओ उत्तरा ॥३॥

भमरा छि मखु लाः स्वान दुख ताया लाः
अपमान खनाओ न्वाय जिउ ला ॥४॥

मिजं मिसा जुया लाः मिसा मिजं जुया लाः
लोकन छु धाइओ खे लज्या मदु ला ॥५॥

याय छिन झगराः जिव नाप माव लाः
याय छिन गथ्य शबला ॥६॥

छेस छि न्वात लाः ज्ञाय मते धाल लाः
छि कलात खनाओ छि ग्यात ला ॥७॥

नेपाल सम्बत जुले गगन बिन्दु मधालेसा
दुर्गाया महिमा भति सिया ह्लां ॥
तछलाया गातुं बले मंगल तिथि दले
सोमबार श्व खं ह्लात ह्लां ॥
अय सखि श्री रणबहादुरया परताप बोल ह्लां ॥१०॥



मते छाय तोलते

[राग - सिह्वाज्या]

मते छाय तोलते अबला छिन जित याय ला ॥धु॥

ह्मिग छु खँ ह्लाना छिनः गुगु सत्य याना छिन
थुलि याइ धका मननं मखना,
सते जोना माया ला तताजुन हेयिला
छिन बिया छित लन लित यने ला ॥१॥

बुझिक छि मखुलाः जिन स्यने माल लाः
तओ धन्धा काय मचा छि मखुला ॥२॥

अथ्य छिन वाय लाः सत्य त्वलता दिया लाः
मनस चोन थ्य बिओ उत्तरा ॥३॥

भमरा छि मखु लाः स्वान दुख ताया लाः
अपमान खनाओ न्वाय जिउ ला ॥४॥

मिजं मिसा जुया लाः मिसा मिजं जुया लाः
लोकन छु धाइओ खे लज्या मदु ला ॥५॥

याय छिन झगराः जिव नाप माव लाः
याय छिन गथ्य अबला ॥६॥

छेस छि न्वात लाः ज्ञाय मते धाल लाः
छि कलात खनाओ छि ग्यात ला ॥७॥

जिमि मामं न्वात लाः ज्ञाय मते धाल लाः
लज्या मद्दु खनाओ झइ झकरा ॥८॥

थथ्य छिन वाय लाः छेस बोना यने लाः
झ्यातु सलिल जुयका ल्वाना चवने ला ॥९॥

दइवन चोस्य हल मखु धाय मजिल ला
छिन तोलतान जिन तोल तइ ला ॥१०॥

छि यथ्य चोनान तिसा ओस मफोना
अति मत्यना धका जिन छित बोना ॥११॥

आओ लाछि लानि तोलते मते ओ
छिगु सत्य जा दनि थुका ॥१२॥

श्री रनबहादुर ओहे छह्य ला दनि
बिचाल यायि ओह्य ग्यानी ॥१३॥



धर्मधातु वागीश्वर

[राग - सिह्वाज्या]

धर्म धातु वागीश्वर त्रिलोकया ईश्वर ॥धु॥

ग्वसिंह परबत चोसं पद्ममुनि

तपस्या यानाओ बिज्याक ॥

सियानं थओ सिसे संसारया धन्दा कासे

उधार यानाओ बिज्याक ॥१॥

बइलोचन तथागतया वर्ण स्वेतया

सिलस मतुक मोतिया ॥

कुन्दलस तिसे तया नाना रत्न ओसया

बिज्याक धर्मया जोगस ॥२॥

अक्षोभ्य तथागतया वर्ण निलया

संसार मार याना बिज्याक ॥

रत्न संभव तथागतया वर्ण पितया

छुसे तया रत्नया स्वान ह्तां ॥३॥

अमिताभ तथागतया वर्ण रक्तया

कोखासे तया रत्नया माल ह्तां ॥

अमोघ सिद्धि तथागतया वर्ण स्यामया

सिलस तसे तया मतुक लुंया ॥५॥

दहिन खङ्ग जोसे चामल पुस्तक जोसे

जओ खओ महांकाल गणेश ॥

श्री मंजुश्री गुरू छि जगतया

ज्ञान गुण बिओह गुरू ह्तां ॥५॥

धर्मया स्वामिन अनाथ दको सिसे
 बोधि ज्ञान जित बिहुने ॥
 थुगुलि संसारया राजा छि धर्मया
 छि पालि भजलपे बिहुने ॥६॥
 गुरु छि जगतया नाम श्री वागीश्वर
 बिहुने सिद्धि बिया फल ह्नां ॥
 नेपाल मंदलया गुरु छि जगतया
 गुरु मञ्जुश्री नमोस्तुते ॥७॥
 संसारया धन्दान त्रैलोक्य बिज्यानाओ
 आहार बिल त्रिलोकन ह्नां ॥
 चय लख प्राणीजन रक्षा याक ओससेन
 त्रिलोकया नाम काओ लोकनं ॥८॥
 लोकन सुमलपि धर्मराज वागीश्वर
 दरशन याहुने लोकन ह्नां ॥
 नाम काओ त्रिलोक धन्दा काओ थओ कुलया
 लाये ओसपोलया सरन न्हां ॥९॥
 रोग शोक सर्व पाप दुःख दको फुतकिओ
 भगत जनया न्हां ॥
 थुगुलि संसारस गुलि दत भय दओ
 लोकया भय फुतकिओ न्हां ॥१०॥
 नेपाल सम्बत विन्दु मल्ल नव नाग
 प्रवृत्ति बिज्याक न्हां ॥
 आषाढ शुक्लया पुन्हिया दिनया
 शुभगति सोमबार दिन न्हां ॥११॥



तोलते मते ह्नां

[राग - सिह्वाज्या]

तोलते मते ह्नां छि भाजुनं झायमते दिसंने ॥धु॥

मसिले सियधुन रसजा भाव दत
थिरनं पिरति तसे दिसं ने ॥

मननागु सियधुन सितल जि जुल
श्रीखण्डया वासनार्थे न्यन ह्नां ॥१॥

लंस नापा लानाबले सोसे दिल भाजु छिनं
बालक वर्थे न्यन ह्नां ॥
लल बल जुल मन नुगलस छिगु चोन
कोपिनके मफस्य जि वया ह्नां ॥२॥

नको जाओ जौभन अमृत थें छिगु गुण
सोयनतुं स्वय मगाक ह्नां ॥
दया दत मै छनं नय धुन थनि जिनं
देव कन्या लाना थें जि न्यन ह्नां ॥३॥

तोलतेजा मन मदु छन रूप सोसे जिन
छेंस चोन तिरिनं छु धाइ ह्नां ॥
आमथ्यजा मखु भाजु छिव लिसे पिरति जुसेलि
जि जक तिरि जन मखुला ॥४॥

कामया रसतु लुमंसे कलि काव भंबलथें
इल वन मचासे जि चोना ह्नां ॥
तोलतेमते जि बिनति बिब जि पिरति
जउभन ह्यार फुका खचिया ह्नां ॥५॥

वने तेलो तोलतिव नसँचा फाइव
लोकनं सियु धका ग्याना ह्लां ॥
मनस छि तमनं चासे प्याहां ज्ञायमते भाजु
छुं धन्दा मदु थन दिसं ने ॥६॥

येसेन मदव भाजु मनुख जरम काय
जिव दतले भोग नि याव ह्लां ॥
दइबन बिल जित मनुख जरम
जीवन तुतले भोग याव ह्लां ॥७॥

नेपालया छत्रपति श्री रणबहादुर
प्रजायात प्रतिपाल याक ह्लां ॥
चौखण्ड राज्य लाक थ्व देसया छत्रपति
स्वामिया नन्द नं थो खं ह्लाक ह्लां ॥८॥



श्री जय बालसुकि नाग राजा

[राग - सिह्वाज्या]

श्री जय बालसुकि नागराजा वा गाका बिअो छिन ह्नां ॥ध्रु॥

जामाचोया भगवान नागार्जुन सिद्धगण
लहुतिस मोल लहुया वये ह्नां ॥
ईचंगुया नारायण आदेश्वर महादेव
चुनि माजु दरसन याये ह्नां ॥१॥

देव दकोसिया गुरु श्री महामंजुश्री
भगवान दरसन याये ह्नां ॥
श्री विद्याधरी माजु भद्रमति घोरीनाग
भगवती दरसन याये ह्नां ॥२॥

थबहिया गरुजुजु लुतिया इन्द्रायनी
भगवती दरसन याये ह्नां ॥
श्वीजसिया नारायण फुसिखेलया मनमयजु
सपंतिया गणेशयाके वने ह्नां ॥३॥

भोला नापं चन्देश्वरी सिपुचोया भगवान
गोकर्णेश्वर दरसन याये ह्नां ॥
बिभ्रनाथ बागमति मणिचूद दह चोस
मणिर्लिग दरसन याये ह्नां ॥४॥

सको देसया बज्रजोगिनी संख दहस मोल लहुये
चांगुनारां दरसन याये ह्नां ॥
इ देसया सरस्वती थयमि देसया बालकुमारी
खोप देसया सूर्य बिनायक वने ह्नां ॥५॥

भो देसया चन्देश्वरी नमो बुद्ध महा सत्व
 पनौतिस मोल लहुये वने ह्लां ॥
 गोदावरी मोल लहुये विसंखुया नारायण
 फुलचो भाजु दरसन याये ह्लां ॥६॥
 वा देशया बज्रबाराही बृंग देसया करणामय
 गोपालेश्वर दरसन याये ह्लां ॥
 चतुर्भुज नारायण ह्मगुया बज्रजोगिनी
 दक्षिण कालीया दरसन याये ह्लां ॥७॥
 त्यांगाया भैरव तव दहया नवनाग
 बो देसया गणपति शरण ॥
 कोयनाया वालसुकि सिद्धिदाता गणपति
 आनन्द लोकेश्वरया सरण ह्लां ॥८॥
 केपु देशया बाघभैरव तखुतिया नील बाराही
 कंकेश्वरी दरसन याये ह्लां ॥
 चाबहिया गणपति खास्तीया चैत्य धर्म धातु
 गुहेश्वरी दरसन याये ह्लां ॥९॥
 श्री जय पशुपति बालसुकी नाग राजा
 दको कुण्ड दरसन याये ह्लां ॥
 श्री जय वागमति नंसाया भगवती
 आकाश जोगिनी दरसन याये ह्लां ॥१०॥
 असं मलु लुचुंमलु जनबाहा लोकेश्वर
 तलेजुया नव दुर्गा भवानी ॥
 तुनि खेलया माहांकाल लुमरीया भद्रकाली
 पचली भैरव वने ह्लां ॥११॥

 नर नारायण राजा श्री गिर्वाण महाराजा
 अखण्ड परताप बोल ह्लां ॥१२॥
 (४४) ★

मेले ओने जुलला

[राग - सिह्वाज्या]

- मेले ओने जुलला जिके माया मदुला ॥
- छिन जित वाये धयाला खँ जक जुलला ॥
- लखा काये धुनला मई ।
- छिन जित माया मारे याये धुनला ॥
- बचं जक जितला छंगु धर्म थथेला ।
माया जक केनका वाना ताथेला ॥
- करुणा छि दओला वाये मन जुलला ।
उखुनुया सत्य बाचा तये मखुला ॥
- स्वओ मखु ह्मायेला तोह जक तयाला ।
ह्मापा यासे तया पाप जोना वनेला ॥
- कारण छुं दओला तोह जक तयाला ।
मदु तोह दयकाओ ओने धयाला ॥
- मनुष जि मखुला सदा चोने दओला ।
गलथया ज्ञान कया वने त्यनाला ॥
- धरम छि दओला जिनं छता धायेला ।
जिओ नापं होने यात खँ मदुला ॥
- ह्माकह्मा अजानीया दोन दको क्षमा या ।
नृपति श्री शिवाण देवया ॥



संदेस चोनह काय

[राग - सिह्वाज्या]

संदेस चोनह कायया अति लाभ दयेकाओ
डेपालस ओये धका भालपु ॥
पासा दको मुनकाओ सगनं कयाओ
डेपालस गमन याना ओल ह्हां ॥१॥

झिखा छेस थ्यनकाओ थिथि लं ह्ळानाओ
झिखा छेस बास याना चोन ह्हां ॥
झिखा छेनं दना ओया कुति देशस
कुति देश बास याना चोन ह्हां ॥२॥

कुति देशं दना ओया सको देश थ्यनकाओ
बज्र जोगिनि दरशन यात ह्हां ॥
दरसन धुनकाओ सको देस बास याना
मामयात पति छोया हल ह्हां ॥३॥

सको देशं दना वया चाबहिलिस थ्यनकाओ
भल्या नायो मामया थास छेत न्हां ॥
भल्या नायो छेस ओसे छि काय ओल धासे
चाबहिलिस लं स्वल ज्ञासं न्हां ॥४॥

कायया चिथि स्वयाओ अरभूत चायाओ
 जि कायजा मन्त धका चोना न्हां ॥
 जि कायजा दनि खनि चन्दाल पासानं
 जि भलिचा सति छोया ओन न्हां ॥५॥

आओ गथे याय जिनं काय छेस वइबले
 जिन गथे चित्ता बुझे याय न्हां ॥
 जला खला मुनकाओ थिथि खं ह्लानाओ
 काययात लं स्वल ओन न्हां ॥६॥

माम ओगु खनाओ हतासन ओनाओ
 मामया पालि भोक पुल न्हां ॥
 माम काय निहसया थिथि कुशल वार्ता यासे
 मामनं सगुन बिल न्हां ॥७॥

सगुन धुनकाओ पासा दको मुनकाओ
 माम काय छेस द्वाहां झाल न्हां ॥
 छेस द्वाहां वनब्यले थओ तिरि मदयाओ
 माम याके न्यनाओ स्वत न्हां ॥८॥

अयले माम हाय छन भलिचा गन वन
 जि भलिचा थओ छेस ओन न्हां ॥
 छु धका ओन माम गुगु धका ओन माम
 जि वयागु समचार मसिउला न्हां ॥९॥

अयले माम हाय छन भलिचा सलता हकि
 थिथि खवाल भतिनि स्वये न्हां ॥
 अयले काय पुता जि भलिचा थन मन्त
 छंगु नामनं सति ओन भलिचा न्हां ॥१०॥

अयलै माम हाय छु कारण सति ओन
गुगु कारण सति छोया न्हां ॥
अयले काय पुता छ महु पति थन
उगु पति स्वसे सति ओन न्हां ॥११॥

सुनानं हल माम, गोह्यसेनं हल माम
छु चिन्ह तसे पति हल न्हां ॥
मेवनं मखु पुता, छनं हित पासानं
छंगु अंगु चिन्ह धया बिल न्हां ॥१२॥

अयले माम हाय ग्राम अंगु जिगु मखु
चन्दाल पासां खेल यात न्हां ॥
अयले माम हाय छनं भलिचा मदयक
जि गथे थो छेंस चोने न्हां ॥१६॥

हरि हरि शिव शिव गथिनगु जि करम
पासायागु धर्म स्वये धुन न्हां ॥
अयले माम हाय धन्दा कायमते माम
ओया लं नं लिहां ओने माल न्हां ॥१४॥

थव इयालं कोसोये गात, थो लुखां दुस्वये गात
थव छेंया माया जित छाया न्हां ॥
ग्रामथे धायेमते छन जित वायेमते
छनत मेह्य बिहा याना बिये न्हां ॥१५॥

अयले माम हाय जित बिहा याय मोल
छबारनि फिरन्त वने न्हां ॥
मामयात सो चाकल उसे पालिस भोक पुसे
मामयात लि मस्वसे झाल न्हां ॥१६॥

काय ओनगु सोयाओ बिलाप यानाओ
 मुछान कयाओ चोन ह्नां ॥
 जला खला ओनाओ धिरज यातकाओ
 दैवया सेवा याका तल ह्नां ॥१७॥
 नृपति राजेन्द्र विक्रम शाह देव
 ओसपोलया परताप बोल ह्नां ॥
 ज्ञानी गुणो पनिसेनं हिस्याये मते थनि
 ह्नाकह्ना अज्ञानि सियाओ ह्नां ॥१८॥



जि वया ला लछि मदुनि

[राग सिह्वाज्या]

जि वया ला लछि मदुनि छि काय सँ ज्ञाय धाल
थुगु छबार लिंगनाव दिसँ ह्लां ॥
जि काय पुताजा लिंगने मखु भलिचा
जि कायया लजगाल मदु ह्लां ॥१॥
अयले माजु, हाय छि कायया लजगाल मदुसा
जिगु सिबे लव ह्लाना बिय ह्लां ॥
अयले भलिचा मयजु, जि काय लिंगने मज्यू
सँ देशया चरित्रनि स्वय ह्लां ॥२॥
अयले माजु, हाय छबारनि लिंगना दिसँ
भिनजा जुयि जिन मखना ह्लां ॥
अयले भलिचा, हाय धन्दा छन काय मते
दच्छि निदँ जक चोना वयि ह्लां ॥३॥
आव जिन छु याय माजु, मेगु छु बिनति याय
छिन सोया यानाव दिसँ ह्लां ॥
अयले प्रभु स्वामि, सँ ज्ञाय धाय मते
छवालनि लिपिनाव दिसँ ह्लां ॥४॥
अयले तिरि हाय ताकाल चोने मखु
दच्छि निदँ जक चोना वय ह्लां ॥
अयले प्रभु स्वामि, सँ छता ज्ञाय मते
भिनजा जुयि जिन मखना ह्लां ॥५॥

अयले तिरि, हाय ! लिंगने धाय मते
 सँ देशया चरित्रनि सोय ह्नां ॥
 गनेन मजिसँलि जित पार बिया दिसँ
 जि मामया शरणस वने ह्नां ॥६॥

छन्त पार मडु मिसा, जिगु छँया भाला छन्त
 भिनक निदान याना चोव ह्नां ॥
 शुभ दिन शुभ बेला मंगल याना थास
 खोये मते धोरजनी याव ह्नां ॥७॥

अयले प्रभु स्वामि, आव जिन छु धाय
 छिन सोया यानाव दिसँ ह्नां ॥
 अयले तिरि, हाय ! हतास चाय मते
 दको फको दयकाव वय ह्नां ॥८॥

जवन सगन फसे खवन खोबि हुसे
 जि प्रभु खोसे खोसे झाल ह्नां ॥
 अयले प्रभु स्वामि धन्दा छिन काय मते
 लँस सोया बुलुहुन झासँ ह्नां ॥९॥

चोतया झ्यालन को सोया बेलस
 जि प्रभु लिमसोसे झाल ह्नां ॥
 थ सोयां परबत को सोयां समुदर
 समुदर हुनुनुनु हाल ह्नां ॥१०॥

सिमा हल लासा लासे नगुतिन फांगा फासे
 जि प्रभु गुगु बनस दिल ह्नां ॥
 झावगु पिला खुला दत लिसल मडुनि
 जि प्रभु गथ्य गथ्य जुल ह्नां ॥११॥

नखत वइ बले चखत वइ बले
जिगु नुग तयां तय मज्यू ह्वां ॥
चवतया झ्यालस मत बिसे सोया जिन
मतजा बुलुसे (चवना) वन ह्वां ॥१२॥

अयले माजु, हाय ! सुथ ह्वापां कवसि वना
कोखन लाय बुया वन ह्वां ॥
अयले भलिचा मयजु, धन्दा छन काय मते
कोखया खँ सही मडु ह्वां ॥१३॥

अयले माजु, हाय ! लख काल वना बले
छि काय मन्त धका धाल ह्वां ॥
सुनानं धाल भलिचा, गुह्यसिन धाल भलिचा
छि कायया हित पासां धाल ह्वां ॥१४॥

छु चिन्ह हल भलिचा, गुगु चिन्ह हल भलिचा
छि कायया हीरा अंगु हल ह्वां ॥
अयले भलिचा मयजु, छ हथि जुय मते
आम खँ खव मखु जुयु ह्वां ॥१५॥

अयले माजु, हाय ! मखुगु थ्व खँ मखु
छि कायया संसर्ग वने ह्वां ॥
कायन वात भलिचा, छन वाय धाय मते
जि पापी गन वना सिय ह्वां ॥१६॥

अयले माजु, हाय ! ग्वच सिह्न जोरे याव
छि कायया शरणस वने ह्वां ॥
स्वचु खन छेस चोना स्वह्य माचा चोना थास
थन जि याकतन जुल ह्वां ॥१७॥

जला खला निनिमाजु, जि माजु खोयके मते
सकसिनं धीरज बिया तिव ह्तां ॥
आव छु याय भलिचा, छ गथे हथि जुल
माजु याकतन तोलते मते ह्तां ॥१८॥

पालु बजि दयकाव धलि सहितन
जि मामं व्याहा हथि स्वव ह्तां ॥
लायकूया प्रधान वल थव थिति जंमा जुल
सकसिनं वने मते धाल न्हां ॥१९॥

मिसाया धरम जुल स्वामि याके भक्ति याय
जि स्वामिया शरणस वने न्हां ॥
गनां गने मफयाव सकसिनं बिदा बिल
अत्यन्त खुसी जुया वन न्हां ॥२०॥

छजु वसः छ्वासे वासे, छजु वसः जोगी बिसे
छजु वसः त्वायभत चिन न्हां ॥
हाकु गहया लंन फिसे दोरिया गान नेसे
मनि छितया पतासि सिना वन न्हां ॥२१॥

अन निसें यनाव देशस चाउयका
दिपस थेनकल यन न्हां ॥
अयले गुबात आचाजु, जित छुं दुख मजुइकाव
जिगु प्राण याकन छोव न्हां ॥२२॥

अयले भलिचा मयजु, धन्दा छिन काय मते
याकन प्राण छोया बिय न्हां ॥
सिपस चोनाव गौरी शिव पुजा याना
स्वामियाके चित्त तया च्वन न्हां ॥२३॥

थहाँ वंगु स्वदँ फुका सँदेस काय वल
 लुखाकोसं सलताव चोन न्हां ॥
 मामन सल ताया झ्यालन को सोयाव
 थव काय पुता खना खोल न्हां ॥२४॥
 थहाँ वये मते पुता, छ मन्त धकाव
 छनगु जातः उय धुन न्हां ॥
 सुनानं धाल गुहासिनं धाल माम
 छि भलिचा गन वना चोन न्हां ॥२५॥
 छ मन्त धका हित पासां सल कन
 भलिमचा सति वना मन्त न्हां ॥
 छु चिन्ह केन माम, गुगु चिन्ह केन माम
 हिराया अंगू केन धाल न्हां ॥२६॥
 बालख मिसा खना हित पासां छले यात
 मनुखया धर्म विवेक मदु न्हां ॥
 बिब माम झोलि तुंबा देशांतर हिलाव
 हरियागु नाम कया वने न्हां ॥२७॥
 सकसिनं स्वल वल सकसिके बेला फोन
 सकसियां मिखां खोबि वल न्हां ॥
 सकसितं खोयकाव मामयाके बेला फोन
 सकसियां मिखां खोबि वल न्हां ॥२८॥
 नृपति श्री राज राजेन्द्र विक्रम शाह देव
 वसया परताप बोल न्हां ॥
 ज्ञानी गुणी पनिस्थन हिस्साय मत्य थनि
 दोनगु क्षमा याय माल न्हां ॥२९॥



हरि हरि जि करम

[राग सिन्हाज्या]

हरि हरि जि करम दैवन बिल न्हां ॥
जि वया ला लछि मडुनि छि काय संदेस जाये धाल
छवारनी लिंगना बिव न्हां ॥१॥
अयेले भलिचा मयजु, जि काय लिंगने मखु
जि कायया लजगाल मडुनि न्हां ॥२॥
अयेले माजु, हाय ! छि कायया लजगाल मडुसा
जिगु कोस लव न्हांना बिव न्हां ॥३॥
लख मडु पुखुलिस डा गथे चोनी
छवारनि लिंगना बिव न्हां ॥४॥
लख मडु पुखुलिस पलेस्वान मुखु तिनि
होइगु आसा जित दनि न्हां ॥५॥
अयेले भलिचा मयजु, जि काय लिंगने मखु
संदेसया चरित्रनि केने न्हां ॥६॥
अयेले माजु, हाय ! छि काय लिंगने मखुसा
छवारनि पाचुकाव वने न्हां ॥७॥
अयेले भलिचा मयजु, जि छेंया तालचा कोयें
छनत लव न्हांना बिये न्हां ॥८॥
थनिया चा चछि कन्हैसिया न्हि बछि
छिव जिव नाप होने दनि न्हां ॥९॥

जव लाहाती सगन कासे खव लाहातिन खोबि हुसे
जि प्रभु खोसे खोसे झाल न्हां ॥१०॥
सुदिन सुबेलस सुमंगल याना थास
खोये मते धीर्जनि याव न्हां ॥११॥
चोतया झ्यालन को स्वया बेलस
जि प्रभु ली मस्वसे झाल न्हां ॥१२॥
सिंहल लासा लास्ये नगुतिन फांगा फासे
लोहत फुंग तस्ये देनि न्हां ॥१३॥
थ स्वयां परवत को स्वयां समुदर
समुदर हुनुनुनु हालि न्हां ॥१४॥
गुगुली बनस दिल प्रभु स्वामि
जि प्रभु बन बास झाल न्हां ॥१५॥
जि प्रभु लुमनिव मनयाथ्ये जुड
जि प्रभु ननान थेनकाव बिब न्हां ॥१६॥
माया मदु माया केनका परदेस्ये झाल प्रभु
छिन जित तोलता झाल न्हां ॥१७॥
जोशीयात केना सोयां बाये मालि मखु धाल
दैवन विजोग याना बिल न्हां ॥१८॥
मत बिस्ये स्येवा याना श्री भीमस्येन याक्ये
कुफल वरदान बिल न्हां ॥१९॥
संदेशं चिथि वल मन कुछि थाहां वल
व चिथि पोला स्वया प्राण नाथ मंत धाल ॥२०॥
सुनानं धाल भलिचा, गुह्यसेनं धाल भलिचा
जिगु नुगल तयां तये मजिव न्हां ॥२१॥

सुथ न्हापां दना वसिबँ पुना बेल्ये
 छि कायया हित पासां धाल न्हां ॥२२॥
 कोथाया इयाफलस मत बिस्ये स्वया जिन
 मतजा बुलुस्ये (चवना) वन न्हां ॥२३॥
 कोथाया इयाफलस बियागु मत दतले
 जि कायया प्राण दनि ताया न्हां ॥२४॥
 अयेले माजु, हाय ! गोच सिन्हः जोरे याव
 जि प्रभुया सरनस वने न्हां ॥२५॥
 हाकु गहनया लन फिस्ये दोहरिया गान नेसे
 त्वायेभत चीस्ये वन न्हां ॥२६॥



सौजन्य : रामप्रसाद श्रेष्ठ, न्हैफः, महाबुद्ध, धल ।

च्यान्हु च्यान्हु सिवा याना

[राग सिह्वाज्या]

च्यान्हु च्यान्हु सिवा याना भीमसेन देवयाके
अमंगल बरदान बिल न्हां ॥८॥

जि वया ला लछि मडुनि छि काय सं ज्ञाय धाल
थुगु छबार लिगना दिसं न्हां ॥
जि काय पुताजा लिगने मखु भलिचा
जि कायया लजगाल मडु न्हां ॥१॥

अयले माजु हाय छि कायया लजगाल मडुसा
जिगु सिबे लव ह्ळाना बिये न्हां ॥
अयले भलिचा मयजु, जि काय लिगने मज्यू
सं देशया चरित्रनि स्वये न्हां ॥२॥

अयले माजु हाय छबारनि लिगना दिसं
भिनजा जुयि जिन मखना न्हां ॥
अयले भलिचा हाय धन्दा छन काये मते
दछि निदं जक च्वना वइ न्हां ॥३॥

आव जिन छुयाय माजु, मेगु छु बिनति याय
छिन सोयाव यानाव दिसं न्हां ॥
अयले प्रभु स्वामि सं ज्ञाये धाये मते
छबारनि लिपिनाव दिसं न्हां ॥४॥

अयले तिरि हाय ताकाल चोने मखु
दछि निदं जक चोना वये न्हां ॥
अयले प्रभु स्वामि सं छता ज्ञाये मते
भिनिजा जुयि जिन मखना न्हां ॥५॥

अयले तिरि हाय लिंगने धाये मते
सं देसया चरित्रनि सोय न्हां ॥
अयले प्रभु स्वामि, आव जि छु धाय
छिन सोयाव याना दिसं न्हां ॥६॥

अयले तिरि हाय हतास चाये मते
दको फको दयकाव वये न्हां ॥
जवन सगन कासे खवन खोसि हुसे
जि प्रभु खोसे खोसे ज्ञाल न्हां ॥७॥

अयले प्रभु स्वामि धन्दा छिन काये मते
लंस सोया बुलुहुन ज्ञासं न्हां ॥
चोतया इयालनं कोसोया बेलस
जि प्रभु लिमस्वसे ज्ञाल न्हां ॥८॥

ज्ञावगु पिला खुला दत लिसल मडुनि
जि प्रभु गथे गथे जुल न्हां ॥
स्वतया इयालनं मत बिसे सोया जिनं
मतजा बुलुसे चवना वन न्हां ॥९॥

अयले माजु हाय सुथ न्हापां कवसि वना
कोखनं लाय बुया वन न्हां ॥
अयले भलिचा मयजु धन्दा छन काये मते
कोखया खं सही मडु न्हां ॥१०॥

अयले माजु हाय लख काल वनाबले
छि काय मन्त धका धाल न्हां ॥
सुनानं धाल भलिचा, गुह्यसिन धाल भलिचा
छि कायया हित पासां धाल न्हां ॥११॥

छु चिन्ह हल भलिचा, गुगु चिन्ह हल भलिचा
छि कायया हिरा अंगु हल न्हां ॥
अयले भलिचा मयजु छ हथि जुये मते
आम खँ खव मखु जुयु न्हां ॥१२॥

अयले माजु हाय मखुगु थो खं मखु
छि कायया संसर्ग वने न्हां ॥
कायनं वात भचिला, छन वाये धाये मते
जि पापि गन वना सिय न्हां ॥१३॥

अयले माजु हाय ग्वच सिन्ह जोरे याव
छि कायया शरणस वने न्हां ॥
स्वचुखन छँस च्वना स्वह्य माचा च्वना थास
थनि जि याकतन जुल न्हां ॥१४॥

जला खला निनिमाजु, जि माजु खोयेके मते
सकसिनं धिरज बिया तिव न्हां ॥
आव छु याय भलिचा, छ गथे हथि जुल
माजु याकतन तोलते मते न्हां ॥१५॥

पालु बजि दयकाव धलि सहितन
जि मामं व्याहा हइ स्वव न्हां ॥
लायकुया प्रधान वल, थव थिति जंमा जुल
सकसिनं वनेमते धाल न्हां ॥१६॥

मिसाया धरम जुल स्वामियाके भक्ति याय
जि स्वामिया शरणस वने न्हां ॥
गनां गने मफयाव सकसिनं बिदा बिल
अत्यन्त खुसि जुया वन न्हां ॥१७॥

छजु वसः ह्वासे वासे छजु वसः जोगि बिसे
छजु वसः त्वायभत चिन न्हां ॥
हाकु गहया लंन फिसे दोरिया गानं नेसे
मनिछितया पतासि सिना वन न्हां ॥१८॥

अनंनिसें यनाव देसस चाउकाव
दिपस थेनकल यन न्हां ॥
अयले गुवात आबाजु, जित छुं मजुइकाव
जिगु प्राण याकनं छोव न्हां ॥१९॥

अयले भलिचा मयजु, धन्दा छिन काय मते
याकनं प्राण छोया बिये न्हां ॥
सिपंस चोनाव त्वायभत चिनाव
गौरीपुत्र पुजा याना चवन न्हां ॥२०॥



ब्रह्मा विष्णु रुद्र रूप

[राग सिन्हाज्या]

ब्रह्मा विष्णु रुद्र रूप लोकनाथ ॥ध्रु॥

स्वंगुलि लोकस वसन पुजन
रथ सासे न्यातकलं ॥

यात धुनकाव खतस दनाव
अमरापुरी बिज्यातकलं ॥१॥

जुल बलिखा बेल वा पिये तेल धका
नागन जल थल जुयकलं ॥
अपसरा पनिसेनं आकाश मार्गन
वा गातकाओ अति रस तालं ॥२॥

मनुष जन पनि मनया हरषन
सिह्नाज्या यात स्वः रसनं ॥
पुरुख पनिसेनं युवति जन स्वसे
लवाल म्हुतु तस्य बोल बिलं ॥३॥

मिखान इसे स्वसे लंखन थिथि होसे
कामया बलान मोह जुलं ॥
थिथिन रस सोसे नाथया लिला सोसे
अमृतानन्दनं थ्व खं ल्हालं ॥४॥



इचंगुया नारायण

[राग सिह्वाज्या]

इचंगुया नारायण आदिश्वरया महादेव
चुनि माजु दरशन याये न्हां ॥
देव दकोसया गुरू श्री महा मञ्जुश्री
भगवान दरसन याये न्हां ॥१॥
विद्याधरी माजु भद्रवति घोरि नाग
भगवती दरसन याये न्हां ॥
ह्यपिया जोगाम्बर ल्हुतिया सितला माजु
फुसि खेलया मन मयजु देव न्हां ॥२॥
फुलबारी गुह्यश्वरी वालकंथ नारायण
सपं तिर्थं गणेशयाके ओने न्हां ॥
भोलानाथ चंदेश्वरी बुध निलकंठ नारां
गाचोस दरसन याये न्हां ॥३॥
विशुनाथ वागमुखि मणिचुद दहनस
मनि लिंग दरसन याये न्हां ॥
सको देसया खर्गजोगिनि मनि लिंग मोल ल्हुये
चंगु नारायण दरसन याये न्हां ॥४॥
ई देशया सरस्वति थेमि देशया वालकुमारी
खवप देशया सुर्ज विणायक न्हां ॥
भोत देशया चंदेश्वरी नमोबुद्ध धर्मराज
संखुस मोल ल्हुये थनि न्हां ॥५॥

धउखेलया महादेव वा देसया वर्जवाराही
 करुणामय दरशन याये न्हां ॥
 चतुर्भुज नारायण फंपीया वज्र जोगिनि
 दक्षिण काली दरशन याये न्हां ॥६॥
 त्यांगाया भइरब तव दहया नागिनि
 चोभा गणेशयाके वने न्हां ॥
 कोहेनाया बालसुकी सिद्धिदाता गणपति
 लोकेश्वर दरशन याय न्हां ॥७॥
 केपुया भइरब तखुतिया निलवाराही
 कंकेश्वरी दरशन याये न्हां ॥
 भुतिसया भुचा देव थबहिया गरु जुजु
 भगवति दरशन याये न्हां ॥८॥
 चाबहिया गणपति खास्तीया धर्मराज
 गुहेश्वरी दरशन याये न्हां ॥
 श्री जय पशुपति बालसुकी नाग राजा
 दको कुन्दल दरशन याये न्हां ॥९॥
 लुमरीया भद्रकाली पचलिया भइरब
 तलेजुया नवदुर्गा भवानी न्हां ॥
 नेपालया छत्रपति राजेन्द्र विक्रम शाह देव
 ओसपोलया परताप बोल न्हां ॥१०॥



ग्वसिंग परबतस

[राग - सिह्वाज्या]

ग्वसिंग परबतस आनन्दन श्री स्वयंभु
भिक्षु दको मुनकाव बिज्याक ॥धु॥

मध्यस आनन्दन श्री बैलोचन मुनि
मार दको फुतकाओ बिज्याक ॥
सिंहया ह्यस चोसं च्वापुया वर्ण जुस्य
ईश्वर शाक्यमुनि बिज्याक ॥१॥

पुर्वया दुवालस आनन्दन अक्षोभ्य मुनि
पृथिविस भलसा बिया बिज्याक ॥
हस्तीया ह्यया चोसं आकाशया वर्ण जुस्य
ईश्वर शाक्यमुनि बिज्याक ॥२॥

दछिनया अधिपति श्री रत्न संभव मुनि
अभय वरदान बिया बिज्याक ॥
तुरंगया ह्यया चोसं सुवर्णया उन जुस्य
ईश्वर शाक्यमुनि बिज्याक ॥३॥

पछिम दिसाया श्री अभिताभ मुनि
मयुर आसन यास्य बिज्याक ॥
हेंगुलिया वर्ण जुस्य आनन्दन ध्यान यास्य
ईश्वर शाक्यमुनि बिज्याक ॥४॥

उत्तर मुख यास्य गरूड म्हंस चोस्य
श्री अमोघ सिद्धि मुनि बिज्याक ॥
नव नाग सिरे तस्य बरखाया धारा जुस्य
ईश्वर शाक्यमुनि बिज्याक ॥५॥

श्री श्री धर्म धातु जोति रूप स्वयंभु
देव गण मुनकाओ बिज्याक ॥
श्री श्री हारति भाजु धन भाजु धन मयजु
लाता भाजु लाति मयजु धनंजय ॥६॥

सांतिपुरी अग्निपुरी वायुपुरी नागपुरी
प्रताप पुरि पंचपुरि ह्नां ॥
पवन भैरव विरूपाक्ष सिद्धिगण
आनन्दन श्री गुंचोस बिज्याक ॥७॥

श्री गुरु मञ्जुश्री महांकाल गणपति
रिद्धिसिद्धि बरदान बिओ न्हां ॥
नेपालया छत्रपति श्री पृथि वीर विक्रम
वसया प्रताप बोल ह्नां ॥८॥

ह्लाकह्यया बिर्नातस दोनगुलि क्षमा याओ
श्री शाक्यमुनि भगवान ह्नां ॥
थुगुलि संसारस कपतमय जुल
याहुने धरम निधान ह्नां ॥९॥



विश्वरूप दरसन बिल रे

[राग - सिह्वाज्या]

विश्वरूप दरसन बिल रे कृष्णजुन ॥४॥

अरजुनन धाल आव युद्ध याय मखु धाल
थव थिति गुरु हत्या लाइ कृष्णजु ॥१॥

राज्य भोग सुख रस मयो जित भगवान
भारत दरसन बिल कृष्ण ॥२॥

लाहा पालि सुख अति विश्व म्यस पूर्ण मूर्ति
दिव्य दृष्टिं अर्जुनन थुल ॥३॥

भागवत गिता ज्ञान अनुभव जुयकाव
हरि बिना मेव महु कृष्ण ॥४॥

अरजुनन धाल आव युद्ध याय निश्चयन
अरजुनयात आज्ञा बिल कृष्णजुन ॥१५॥

जगत शमशेर जंगनं धाल साधुपि
सोव लिला कृष्णजुया ॥६॥



मतिकोया भइरब

[राग -- सिह्वाज्या]

मतिकोया भइरब थओ छैया महालछिमि
महालछिमि दरशन याये ह्वां ॥
थओछैया महालछिमि कुसुंतिया कुमार
कुमार दरशन याये ह्वां ॥१॥

कुसुंतिया कुमार यपाया विष्णुदेवी
विष्णुदेवी दरशन याये ह्वां ॥
यपाया विष्णुदेवी डेखु होनया ब्रह्मायणी
ब्रह्मायणी दरशन याये ह्वां ॥२॥

डेखु होनया ब्रह्मायणी पलिंगा माहेश्वरी
माहेश्वरी दरशन याये ह्वां ॥
पलिंगाया माहेश्वरी लोहंगलया इन्द्रायणी
इन्द्रायणी दरशन याये ह्वां ॥३॥

लोहंगलया इन्द्रायणी पुलुचोया खड्गजोगिनी
जोगिनी दरशन याये ह्वां ॥
पुलुचोया खड्ग जोगिनी धंतिलया बज्रवाराही
बाराही दरशन याये ह्वां ॥४॥

धंतिलया बज्रबाराही ईकुबहीया कालीमाइ
कालीमाइ दरशन याये ह्लां ॥
ईकुबहीया कालीमाइ क्वाछेंया बालकुमारी
बालकुमारी दरशन याये ह्लां ॥५॥

क्वाछेंया बालकुमारी भंगिलिया सिद्धिलछिमि
सिद्धिलछिमि दरशन याये ह्लां ॥
भंगिलिया सिद्धि लछिमि हासपोतया गणपति
गणपति दरशन याये ह्लां ॥६॥

हासा पोतया गणपति सिंघिनि व्यांघिनि
सिंघिनि दरशन याये ह्लां ॥
... ..
... .. ॥७॥



कृष्णजुया चरित्र कने

[राग - सिह्वाज्या]

कृष्णजुया चरित्र कने नेहुने लोकनं ॥धु॥

सिह्वाज्या वने तेल थिथि पासा मुडाव
रसन पुवा म्हुनि जोने ह्हां ॥
कुज्यानि याहुने सिह्वाज्या मे हालाव
ननान धुनकाव वने ह्हां ॥१॥

कृष्णजुया सनेहन ववगु फसन
कयाव आनन्द जुल ह्हां ॥
कदम्ब सिमाया चोस कृष्णजु बिज्याडाव
मस्वयार्थे स्वयाव चोन ह्हां ॥२॥

बृंदावन पुखुलिस म्हेतल राधा रानि
बाह्य बाह्य लंखस दुडाव ह्हां ॥

... ..
... .. ॥३॥

कृष्णजु कोहां वया वसत खुयाव
सिमा चोस मुलाव तल ह्हां ॥
लंखन थाहां वया वसत मदयाव
ह्मांति ह्मांति तोक पुया चोन ह्हां ॥४॥

थुगुलि स्वयाव कृष्णजु न्हेलाव
राधापनि वयाये हे मसिल ह्नां ॥
लाहात कियातसे कदम्ब सिमा चोस
कृष्णजुया ख्वाल सोया च्वन ह्नां ॥५॥

थिथि मिखा भावनं सते बचन कायाव
वसत कुतिनका बिल न्हां ॥
थमं बासुरी पुयाव सिन्हाज्या पुखुलिस
आनन्दन म्हेताओ बिज्याक न्हां ॥६॥



हरि हरि जि मत्यना

[राग - सिह्वाज्या]

हरि हरि जि मत्यना प्रभु बिधातान यन न्हां ॥ध्रु॥

नकोया तरुणी जुल पुसामिन वातकाव
छु याये सिनेहन बाल ह्हां ॥
सिनेहन चागाह्य व सिये मफु वव नापं
जि पुसामि बैकुण्ठ यन न्हां ॥१॥

तिल हिल बिल जित धन बिसे तल छिन
सुखन जि चोने धका मन न्हां ॥
धन दव भालपाव धरमस चोना भाव
खेललपे मदयक यन ह्हां ॥२॥

अबला तिरिया ज्ञान थिर मचोन मन
छदो काये जिन थुगु थास न्हां ॥
खोसे खोसे चाह्न ह्लिनं नुगल मछिन आव
मुनान मबिव जित बोध ह्हां ॥३॥

ऋतुया बेला जुल कामया जोर जुल
धरमस सिनेहन बाल ह्हां ॥
रूप दव व मिजन जुल जिके मन तसे
याय धुन छगुलि परान ह्हां ॥४॥

तिरि मदव मिजन थिर याये मफु मन
छदो काय जिन थुगुलि थास ह्नां ॥
पुरबया कमाइन सुख लाये मफु जिन
छु याये जि सनेहन बाल ह्नां ॥५॥

वले वले दुख जुल आकाशन वल जित
सुनानं मबिव जित बोध ह्नां ॥
शरण सुयाके याये मिसा जात अबलान
विधातान बिल जित दुःख ह्नां ॥६॥

तन मन व मिजन न्हेथुया पुसामि जन
भजलपे व पुरुख थमंतु ह्नां ॥
गोह्म ज्ञानि मिसा जन पुरुखव नापं सियु
सुगति लायुव मिसान ह्नां ॥७॥

★

हुनुनुनु बाजनं थातका

[राग सिन्हाज्या]

हुनुनु बाजनं थातका कृष्णजु बिज्याक न्हां ॥१॥
नकतिनि झायला कुशल छि जुओला
जिमि थास दया कृपा भति दइला ॥
बिदाबन झायला जमुनास दियाला
बासुरी पुस्य बिज्यानाला ॥१॥
राधिका झालला ग्वपिनि दिलला
बिदाबन मोल लहुया बिज्यानाला ॥
सिन्हाज्या झायला जि बोना यनेला
नापं चोना यने छि लज्या जुलला ॥२॥
पुवा छिनं पुयाला निह्य निखे चोन धकाला
तमनं छि दियाला ॥
नतुये मखुला जि खना देवाय धुनला
याकतनं तयेला बास याय मखुला ॥३॥
जौभन जित खोयकेला छि दासि मखुला
दुख बिये तेश्रोला ॥
लोक याके हेला याका तयला
माया जिके मडुला तोलते धुनला ॥४॥
छिगुलि चरित्र काये मफु जिनं छि बिना
मेव जित मडु तोलते मते न्हां ॥
शंक चक्र गदा पद्म लाहातस दओह्य
ह्लाकहान ह्लासे तल छि छह्यसिया न्हां ॥५॥

★

छिव जिव जुल धका

[राग सिन्हाज्या]

छिव जिव जुल धका ननि कतकन सिल
सरमन पिलुय मछाला न्हां ॥
शरीरस मदुतले धुलुपुलुखन झाल भाजु
शरीरस दसें निसें मझा न्हां ॥१॥
कायमचा बुयु धका आशान चोना भाजु
बुलन म्हाय्मचा बुल न्हां ॥
म्हाय्मचा बुल धका लँया दथुइ वाना ताथल
लंस दकोसिनं थ्व सु मचा धाल न्हां ॥२॥
जला खला ननि कतकं अरु मदु मचा धाल
जिगु नुगः तयां तय मज्यू न्हां ॥
आजु अजिमाया धरम दतसा थ्व मचाया कर्म दइ
आजु अजिमाया धर्म दयमाल न्हां ॥३॥
काय्मचा मदुगु मखु म्हाय्मचा मदुगु मखु
छाय प्रभु लिथु होनके हया न्हां ॥
छंगु बानी सोयधुन छंगु चरित्र सोय धुन
मामं मचा छिमि छेस हुनि न्हां ॥४॥
लाया लासा मलायकुसे बुया तुति मबुकुसे
कोथा नं पितिनाव हल न्हां ॥
थथिजाःगु चाया रात्री गन वने प्रभु स्वामि
थनि चच्छि छि लिकोस देने न्हां ॥५॥

मिसा जाति गलंथया ज्ञान लं गाचो जोना वया दोन
पापी माया जालं केनका तल न्हां ॥
बालखस मेले वना छबारन मचा दत
तरूणी जुय नापं मगाक न्हां ॥६॥
धन वारिया म्ह्यायमचा त्वाय छयाय छाय मिसा
छ लं लियाः छिमि छेंस हुनि न्हां ॥
माम मदुगु मखु दाजु किजा मदुगु मखु
छाय प्रभु छिके थुलि हेला न्हां ॥७॥
छिह्मा मचा कासे दिसं जित पार बिया छोव
जि मामया शरणस वने न्हां ॥
मिजनया धर्म मदु कचि मुखु सेनका बिल
ल्यनगु पुवाचार्ये न्यन न्हां ॥८॥
मते मते प्रभु स्वामि सहस्र बिनति छिके
तिरि जातिया दोन क्षया याव न्हां ॥
... ..
ह्लाकह्मया दोन थास क्षमा याव न्हां ॥९॥



दछिया लछि सिह्वाज्या

[राग सिह्वाज्या]

दछिया लछि सिह्वाज्या ओल रस रंग याय न्हं ॥धु॥

महालया तेज जोति जौभनया दुःख अति
बियमते प्रभु बिरहया बिपति ॥
छि नाप लाय धका गुलि याना जुगति
मनरथ पुरे याना बिओ गणपति ॥१॥

बुं धाःसा खुसिसिस भेतनाल किइ तुती
ह्याउँ लनस किइ चाफुति ॥
सपलस छुस्य तल स्वान अति पलाखना
स्वया जिन लिथ्य भगति ॥२॥

तिरथस महु जोति इन्द्रादि देव उति
मोल लहुया पाप फुक ओन्य पलति ॥
तिरि जाति अज्ञानि भगति याना छिगु
अति सजनओ होन्य दइला मति ॥३॥



झनन बाजन थातका

[राग - सिन्हाज्या]

झनन बाजन थातका सिन्हाज्या वने न्हां ॥धु॥

बिचकिनि चुल्यान कोखास्य तायलन
अवपु भिनपु तुकिचा नं ॥
दको सखि मुनकाओ महांकाल देवयाके
बल बिओ ओह्य नाप ओने न्हां ॥१॥

अति रूप थान बान नकोया जौभन
मुसु मुसु न्हिलाओ चोन न्हां ॥
म्हुतुसि ग्वालन जिक, वा बान धालेगुलिथें न्यन
तिनाओ तल हेंगुलिन न्हां ॥२॥

समाल अति भिन मिखान अजलन
सपलस छुनाओ चंपा स्वान ॥
ल्हाय मफु छिगु गुण गुलित कने जिन
अजुगुति दयकल दइबन ॥३॥

ह्याउं छिना पतासि सालुगु दोलाइया गानं
फिना ओल तिनिखातया बागलचुनं ॥
त्यछिना जनखन चिना ओल त्यासे छन
खनाओ खुसि जुल मिजन ॥४॥

वा पिय रस दन खं नेना लुदन
थिथि लिस्य जोनातल पुवाचान ॥
अजुगुति थुगु जुल दछिया वा पियज्या
ह्मितु खना खुसि जुल मिजन ॥५॥

वा गाइ बुलुहुन साल जोनि ज्यामितसें
समा उन ख्वाल जुल निभालन ॥
जओ खओ कतकनं लाना थे धाइओ
प्यन्हु तिनि सह याय मालि न्हं ॥६॥



भल भल अष्टमि

[राग - सिन्हाज्या]

भल भल अष्टमि सिन्हाज्या दिन पासा
थिथि बोला याना वा पिय न्हां ॥
पासा दको मुनकाव कुसा कुबुयाव
लँस वन ल्यासे दको याक न्हां ॥१॥
न्हिस्य न्हिस्य ख्याल यास्य भउ भउ धास्य धास्य
लँस वना मचायक थ्यन न्हां ॥
कुसाजा तोलताव लनचोत घसुयाव
हरखन कुल ज्यानि याय न्हां ॥२॥
पतासि थसुयाव पुवा ह्माति जोनाव
न्हिस्य न्हिस्य वा पिल वन न्हां ॥
थिथि बात यास्य यास्य भउ भउ धास्य धास्य
वा पिय मचायक धुन न्हां ॥३॥
वा पिय धुनकाव लँस लिहां वयाबले
भाजुन खँ ल्हाना हल न्हां ॥
भाजुया छँस वना छेलिस पियाचवना
भाजुजा ल्हातुं जोना साल न्हां ॥४॥
मते मते भाजु छिके सहस्र बिनति
कचि मुखु सेनके मते न्हां ॥
मिजन मसियानि जि मन ग्यानानि
छि मन गथ्य जिन लाय न्हां ॥५॥

भाजुन तमं तमं चुतुचुतुस्य सन
 ह्य नापं थररर खास्य वल न्हां ॥
 मते मते भाजु छिके सहस्र जि बिनति
 जि इजत काये जक मते न्हां ॥६॥
 छाय छं इजत काय जि खं जक नेव मईं
 छन यथे तयाव तय न्हां ॥
 पुतु पुस्य तया तयागु तिति याना तयागु
 छित गथे सितिकन बिय न्हां ॥७॥
 खवजा खव छन छु छु फोन फोने तेना
 छन मन आनन्दगु काव न्हां ॥
 आमलित छिन भाजु जि खना दया दत
 लकछि जिन खने धुन न्हां ॥८॥
 मेबता मखु मईं छन रूप जौभन खना
 कामस अति लोभ जुल न्हां ॥
 संदेह काये मुम्वाल भाजु सत्यनं नेने जुल
 सत्य धर्म छित लव लहाये न्हां ॥९॥
 थिथि माया लहाये धुन थिथि मन वने धुन
 थिथि माया जुको तोलते मदु न्हां ॥
 भोज धुन लपत्यथे वाय जक मदु भाजु
 थव सत्य फुतके मदु न्हां ॥१०॥
 नेपालया थिथि बिति राजा काजी धर्म तया
 प्रजा दको आनन्दन दिसं न्हां ॥
 लहाकहाया सुबचन लहास्य तया ख्याल खं
 भाजु मयजु दुख ताये मते न्हां ॥११॥



हरि हरि नाम लुमनकाओ

[राग - सिह्वाज्या]

हरि हरि नामतु काओ, थव जरम मनुख ॥धु॥

सिह्वाज्या यानार्थे ज्या सने माहार्थे
ब्यलास म्वातकुह्य भिनर्थे ॥

नेनेतुं ययापुर्थे स्वयनतुं स्वय मगाकर्थे
यानाओ बिओ जित दया दुथे ॥१॥

ख्वाल स्वय ययापुर्थे मिखान मस्वयार्थे
नुगलस बलान कओह्यर्थे ॥
थिथि ओनार्थे मन ब्वाये मम्वालर्थे
पिरतिन छिन जित जोनार्थे ॥२॥

अति बान लाकर्थे थिये जक ग्यानार्थे
जि मन चोनार्थे तोलते मत्यनार्थे ॥३॥

छिन जित धयार्थे सरम मजुओर्थे
अबलाया नुगलस जोनार्थे ॥
छि झाय धायार्थे जि चोना मखुर्थे
निश्चयन छि झावर्थे ॥४॥

ह्लाकह्यया ह्लानार्थे मनस दुबिकर्थे
याये तेल छिन जित दया दुथे ॥
हरिजुया नाम कायेथे बिओ जित कृपा दुथे
प्रतिपाल निगुलि खनार्थे ॥५॥



जुगुतिन जिगु खं

[राग - सिह्वाज्या]

जुगुतिन जिगु खं भति न्यनिला, बेल जुल मखुला ॥धु॥

समय मखुला दओथे' नकइला
सदान थओ छे'स चोने फइला ॥
छको जक जिमित दइला
जिमित नाप लाकइला ॥१॥

अति हित यायुला विश्वास तयुला
कपत छता छंके मदु मखुला ॥
मसियाह्य मिला मालको स्वइला
गवहासेन छन्त बोध बिया तइला ॥२॥

असति छ मखुला यनितुं तायाला
ओचु नुगलया ख्वाल सोय मखुला ॥
स्यासे छ मखुला मछुनापु मजुला
गुपतनं भतिचाया ख्याल मखुला ॥३॥

रस याय मखुला जित यथे तइला
कपत छन मदु मखुला ॥
धरम तइला सत्य खं ल्हाइला
भगवानया चरणस मन तइला ॥४॥



मफु चवने पुरुख मदयकं

[राग -- सिह्वाज्या]

मफु चवने पुरुख मदयकं गन नाप लाय ह्हां ॥धु॥

ज्या वने तोल चिना परदेश झाल प्रभु

छिन जित तोलताव झाल ह्हां ॥

मेले वने धका धयां मेले वने मजिउ प्रभु

छिगु गुण नाम जिके वयन ह्हां ॥१॥

जौभन जि जासे वल गन झाय प्रभु स्वामि

थो जौभन बेरथन फुत ह्हां ॥

अभागिनी मिसा जाति पुरुखन वात थनि

याकतन चोने जि माल ह्हां ॥२॥

झिजि निहा देना लासास, याकातन देने माल

काव प्रभु जिके रस काव ह्हां ॥

छि धका चोना जिन दख लख दया वन

आवलिन चोने जि मफुत ह्हां ॥३॥

निश्चयनं वने जुल, काव प्रभु ग्वच लित

फुंग तले तयाव ताथे ह्हां ॥

छि छहा मदयकं जि गथे चोने प्रभु

छि बिनान मेव जित महु ह्हां ॥४॥



थव छेंस तयमते आमाजु

[राग - सिह्वाज्या]

थव छेंस तयमते आमाजु मेल बिया छोव ह्हां ॥धु॥
ल्यासे जि जुसे वल तय मफु जि नुगल
थव मन थह्यं चिय मफु ह्हां ॥
मलु मने गथे जिन गथे सह याय जिन
नय मन मदु थव धन्दान ह्हां ॥१॥
मछुनापु जुल धका ननिस जि पिहां वना
मिजंतसे गाचो जोना साल ह्हां ॥
अत्तरसया लं धका बिल जित बहनिस
जि मनस थुयाथेतुं ताल ह्हां ॥२॥
सति कुन्ह पोला सोयां चोया तल लुन
कपतन लाइव मताया ह्हां ॥
मसियाह्य मिजं नापं विश्वास यायेमते
वनेमालि आमाजुया छेंस न्हं ॥३॥
हतासन पिहां वया आमाजुया छेंस वना
जि कर्म गथे जुयु मसिया न्हं ॥
सिह्वाज्या वने धका आमाजुन बोना यन
मोह छमो ज्याला कया बिल न्हं ॥४॥
वा पिये फुत लसिकल प्रभु लुल
आमाजुया दयान लात ह्हां ॥
पुरुषया बस्य जुल मन इच्छा पुरे जुल
सदान दया दय माल ह्हां ॥५॥

★

छंगु रूप खनाव मइ

[राग - सिन्हाज्या]

छंगु रूप खनाव मइ, वने मन मदु ह्नां ॥धु॥

यंकिल हालिव चंपा स्वान होइव
लोकन सिन्हाज्या यायिव ॥

परस्पर वा पिनाव थिथि छ्याल याइव
मन चंचल जुयिव ॥

जव ज्याक सपल स्वान त्वाक उफोल
सिन्हापत तिनाव लुमोहलया ॥१॥

मुसे तल तुकिचा नुगलस तायोचा
दोलायगा लुयाव वन न्हां ॥

स्वयजा पिचु साहाय क्वाचु
मेवया मरम तुनाव ह्नां ॥२॥

छंगु ख्वाल ह्यासु पतासि छ्वासु
जनिख बेन मचाव ह्नां ॥

खँ ह्नायु सिचु नुगलस वचु
ग्यानापु कपतन लायु ह्नां ॥३॥

मुमुहुन ह्लिलाव जव खव स्वयाव
लसिकल दयकाव वल ह्नां ॥

डा लायु मचाव जित वतुं ससतिक
लज्यानं चिय मतेव ह्नां ॥४॥

असिद्धि श्व मिजन मखु खव जन
तोलतिव छिगु वानी थुलि ह्तां ॥
छ गथे चवना वन जिगुथे मन डान
आसा बिसे वन ह्तां ॥५॥

होवगु चस्वान भंबल स्वानस मजु
सुन्दरी सुवासना याव ह्तां ॥
ह्लाकह्य अज्ञानिन ह्लासे तया श्व बचन
दोन थास क्षमा याय माल ह्तां ॥६॥

★

ह्लियाह्लियं झासं भाजु

[राग - सिन्हाज्या]

ह्लिया ह्लियं झासं भाजु मझायमते न्हां ॥धु॥

मसिलेन सियधुन माम बुबां बिल मखु
धरम तोलते मते ह्लां ॥

पुसामि तोलताव छि बचन डेना जिनं
लिपतस गथे गथे जुयु न्हां ॥१॥

छि बचन डेसे'नसे' मनस अंदोल जुल
धरम तइव मताया ह्लां ॥

लमिखमि मदु भाजु सुयाके धाय भाजु
मन बोध बियाव झासं ह्लां ॥२॥

सिन्हाज्या वने त्यल तिलहिल मदु भाजु
छिके जिन फोने मछाला ह्लां ॥

जोर्लिजोल पासापनि समा याना वइबले
छिन जित गथे गथे धायु ह्लां ॥३॥

ह्लासे तल खव छिन फोसे तया खव छिके
चुल्यु मुखु बियगु छि भाखा न्हां ॥

मन्यंतले न्यनकाव छले यात भाजु छिन
पापन पुनि धका मग्यानाला ॥४॥



तयमते थ्व जौभन

[राग - सिह्नाज्या]

तयमते थ्व जौभन ह्लिह्लिछिया जाओ न्हां ॥धु॥

नकोस सुमलपा शिव पुत्र गणेशयाके
सिद्धि फल प्रसन्न ह्हां ॥

रिद्धि सिद्धि दयकाओ बिल जित ओसनं
सुंदर फल लाय न्हां ॥१॥

होस्यं चवन स्वान फोल भंबलन रस त्वंक
जि मन उइनिथ्यं डेन ह्हां ॥
गथे हने थ्व परान पुरुख बिनान
थ्व देहन गथे सह याय ह्हां ॥२॥

खवाल चन्द्रमाओ उति, मिखा पलेहल उति
स्वइओ मुसु मुसु न्हिलाओ ह्हां ॥
नेपालया छत्रपति श्री रणबहादुर
ओसया परताप बोल ह्हां ॥३॥

ह्लाकह्यया तन मनं भजलपा चवने जिन
श्री कृष्ण डहुने बिनति न्हां ॥
अबला तिरि खना याहुने उधार छिन
जि पापी गथे वाना तया ह्हां ॥४॥



लसिकल न्यासि मिखा

[राग - सिह्नाज्या / ताल-चो]

लसिकल न्यासि मिखा, मइचा वायो थन भतिचा ॥८॥

लसिकल मिखाचा चन्द्रमाया ख्वालचा
न्यासि वनि स्वय नापं नातिकुतिचा ॥९॥

तिनिखात्या बागलंचा मुनिछित्या पतासिचा
जव खल पुतिस पुलमालचा ॥१०॥

थथु कोथु पुये सव श्व तोया भतुचा
मथानार्थे थाय सव श्व ल्यासेचा ॥११॥

गजु मडु देगःचा भाःत मडु ल्यासेचा
छन्हु बन्हु न्वाके बह वहे ल्यासेचा ॥१२॥

धिकं धाकं लाकचा ख्वाल अति सुन्दरिचा
घसपुना चुपा नया तय बहचा ॥१३॥

छव जिव थिकचा प्वाथे मडु ल्यासेचा
मेव लिथु हय मन मडु ल्यासेचा ॥१४॥

लसिकल कोथाचा पथि हिना खाताचा
मचा खाचा मडुतले देने बहचा ॥१५॥

बुं याना छपिचा कलाः काय ल्यासेचा
बुं वने मन मडु ज्या खुनिचा ॥१६॥



प्याखन हुयार्थें

[राग - सिन्हाज्या / ताल - चो]

प्याखन हुयार्थें न्यासि वने सवह
हुं ववह ल्यासेचा ॥धु॥

उनजा अति भिन वर्ण चम्पा स्वान
शोभा लाक तिना तल सिन्हाज्या चित्तनं ॥
सपल अति भिन धालेपति स्वान छुनाव
खवाल चन्द्रमार्थें न्यन ह्तां ॥१॥

वा पिय ज्ञायला जि बोना यनेला
मनजा छव लिसे वल न्हां ॥
अयले भलि हाय सिन्हाज्यानि वने
ज्यामियात बजि नके मानि न्हां ॥२॥

पनेमते भाजु थन हतास जुल आव
माजुन बोल बियुव ह्तां ॥
अयले लह्ति आमाजु बोनाव बिब जित
मनजा उइनिथें न्यन ह्तां ॥३॥

चोने जि उझानस उगुलि लन ज्ञासं
मालगु खें ल्हाय धुन न्हां ॥
ज्ञाय धुनला भाजु हाय लासास दिसंने
नस्वाक स्वान भति थोव न्हां ॥४॥

जिल स्वानया माल हनाव कोखायकाव
स्वचाक उला भोक पुल न्हां ॥
निगुलि शरीरया छगुलि जुय धुन
सदान दया दय माल ल्हां ॥५॥

करुणा कृपा दसे थव दासि भालपाव
सदान दया दय माल न्हां ॥
ल्लाकह्यया तन मनं ल्हाना जिन छि चरण
स्त्री सुख दया दय माल न्हां ॥६॥



भाजु सिया मेव मसिया

[राग सिन्हाज्या / ताल - चो]

भाजु सिया मेव मसिया
आशा छि छहसिया ॥
सिन्हाज्या वनाया लं दाक मसिया
नुगल छिके तया वया न्हं ॥

यौवन नकया तरुणी जि जुया
पुसामि मदयकं चोने मफया ॥
बेल जुल कामया अचेत जि जुया
थव मन थमं चिय मफया ॥

दैबन बियाया जिन थुया कया
थुलि छिके जिन धया न्हं ॥
शोभा मिसाया मिखा निगोलया
बागल मिखा कने मसया ॥

लनया दुने चोन व्याल निगोलया
छित बिय धका मति तया न्हं ॥
लसिकल जि मसिया तरुणी जि जुयाया
मन मवंति गोह्य मिजनया ॥

ह्मिग जिन मसिया थनि जिन सियाया
आव जिन तोलते मफया ॥
छिव धका चोनाया भरोसा मतया
मनया सुख भोग दवया ॥



तयमते जि दुःख याना

[राग - सिह्वाज्या]

तयमते जि दुःखः याना भाजु छि छेस बोना यग्नो ह्नां ॥धु॥

छिग्नो जिग्नो जुल धका ननि कतकं सिल भाजु
सरमन पिस्वय मछाला न्हां ॥

ह्लियाह्लियं छितु छितु नाम कास्य सदान
थग्नो छेस गुलि चोने ह्नां ॥१॥

छाय छ ह्थास चाया यने जुल छन्त बोना
छन माम बबुयाके चायकी ह्नां ॥
लोकन बुझे याके छन माम बुबायाके
लखामधि बियाग्नो यने ह्नां ॥२॥

जि चोना थग्नो छेस ह्नाके हल बारंबार
मेले बिययात खबु जुल न्हां ॥
छिके खँ तसेनिसे गुपत खँ कने धुन भाजु
ननान जि छि छे बोना यग्नो ह्नां ॥३॥

छनजा श्रोय धाल बोनाग्नो यने जुल
न्हथुव नापं मिले जुय फवला ह्नां ॥
मिसाया बानि मदु लिथु न्हेथु त्वाना जुइ
कलहन जि छे फुना श्रोनि ह्नां ॥४॥

दुःख खँ ह्लाना जिन मेव मदु छि बिनान
जित मन बोध बिग्नो न्हां ॥
अति दुःख जुल जित धरम छिके जुल
छु याय जि करमस मदु न्हां ॥५॥



कृष्णजुया चरित्र

[राग सिंहाज्या]

कृष्णजुया चरित्र लोकन डेहुन्य ॥धु॥

बिंदावन पुखुस राधिका हितल अन
स्वस्य चोन कृष्णजुन ॥

सिमान कोहां ओयाओ मखनकं यन
सिमा चोस ह्हां ॥१॥

लखन थाहां ओयाओ ओसतं स्वस्य
पुस्य चोन थओ लाहातिन ह्हां ॥
पोचिल सरिर स्वस्य थिथि मिखा लुदनाओ
ओसत बिय भाखा यात न्हां ॥२॥

समुद्रया लंख व्याकं कृष्णजुया स्वओ व्याकं
ह्लाकहन ह्लाय गन फइओ ॥
ह्लाय मफु छि चरित्र अबला मिसा जनं
करुणान स्वओ जि खनाओ न्हां ॥३॥



कृष्णजु बिनान मन थीर मजुवनि

[राग - सिह्वाज्या]

कृष्णजु बिनान मन थीर मजुवनि ॥धु॥

दहलपु बिरहन दगध जुलयो मन
गथे चोने ओह्य व बिनान नि ॥
निउनिस स्वयाव मति नुगल मछिन
अति बोध याय मजिव परान नि ॥१॥

ओस मदयक जिन मफयाखे घरिछिन
छाय जुल जि छह्य हिन्याव नि ॥
बिव दरसन बास अवला तिरिया थास
सोव प्रभु करुणा दयाव नि ॥२॥

गथेन थो जिव हने थुगुलि दुख सु कने
यायिव सुनान जि उपाय नि ॥
दरसन मबितन सियेधुन जि मनन
बेरथन वन थो जरम नि ॥३॥

यदु कुलया थो मनि सेंगु लोकया धनी
जनम जनम जि छि दासिनि ॥
कलिया पासन केले फेनिव सुनान मेले
ह्लाकह्या याव उधार नि ॥४॥



भवभूति रिखिश्वर

[राग - सिह्वाज्या]

भवभूति रिखिश्वर धर्मया पुत्रि पद्मावति
कन्या दान बिये धका ओल न्हां ॥
साकेतु नगरया मणिचूद राजान
पद्मावति कन्या दान काल न्हां ॥१॥

मणिचूद राजानं अति रस तायाओ
गुरुयात दक्षेना बिल न्हां ॥
दक्षेणा बिये जुलसा निरगत जज्ञ याओ
जज्ञया पुण्य दको जित बिओ ह्हां ॥२॥

रिखिया बचन न्यंसे निरगत जज्ञ यायेत
गुरुयाके उपदेश न्यन न्हां ॥
गुरुनं आजा जुल विधि विधान थे
सकल प्रजा मुनकिओ न्हां ॥३॥

दुरुपस राजा प्रमुख देश देशया राजा
निमंत्रणा यातकल छोट ह्हां ॥
मणिचूद राजाया बचन नेनाओ
सकल राजा दको ओल ह्हां ॥४॥

गुरु पुरोहित प्रमुख सकल राजासेनं
जज्ञस सोये धका ओल ह्हां ॥
आरंभनं पुजा यासे स्वस्ति वाक्यं होम यासे
शास्त्रया प्रमाण धयाओ ह्हां ॥५॥

थथिनगु बेलस जज्ञ विधन याये धका
 इन्द्रन छल यासे ओल ह्नां ॥
 इन्द्र रूप तोलताओ राक्षसया रूप कासे
 जज्ञस प्रवेश जुल ह्नां ॥६॥

सुवाहु मंत्रि बुद्धिसेन कोतवाल
 दुरूपस राजा सहितन ह्नां ॥
 निरगत जज्ञ याना जज्ञया दथुस
 भयानक राक्षस ओल ह्नां ॥७॥

जज्ञया दथुस राक्षस तिति न्हुसे
 जज्ञया दक्षेना फोन ह्नां ॥
 मणिचूद राजानं दक्षेना बिये धका
 दउलथ दक्षेना बिल ह्नां ॥८॥

राक्षस जातयात दउलथ छु याये
 भोजन दक्षेना बिओ न्हं ॥
 पंचामृत रसन भोजन दयेकाओ
 दक्षेना काओ धका धाल ह्नां ॥९॥

पंचामृत भोजन याये धका ओया मखु
 जितजा मद्य मांस बिओ ह्नां ॥
 दक्षेना बिये जुलसा मद्यमांस बिओ जित
 कित जित बेदा बिया छोओ न्हं ॥१०॥

मणिचूद राजानं निरगत जज्ञ याना
 थओ मांस दक्षेना बिल न्हं ॥
 काओ काओ राक्षस जिगुलि रक्त मांस
 दक्षेना बिये धका ओया न्हं ॥११॥

जज्ञन कोहां ओसे राजाया ह्यस जोसे
 हिनुल जोसे भोजन यात न्हं ॥
 राजानं स्वक बेले राक्षस खनाओ
 हुंहुकार हालाओ चोन न्हं ॥१२॥

राजानं आज्ञा जुल छ संतोष्ट मजुइओ
 जि सरिर देह फुना ओनी न्हं ॥
 हि तोने गातकाव मांस दान बिओ जित
 पित्याकन दाह जुया चवन न्हं ॥१३॥

थव पुत्र पत्मोत्तर तिरि पद्मावति रानी
 सकल प्रजा लोक खवल न्हं ॥
 थुगुलि शब्द नेसे राक्षस तम चासे
 हुंकारन हालाओ चोन न्हं ॥१४॥

राजानं आज्ञा जुल राक्षस सलताओ
 छ संतोख जुयेक नओ न्हं ॥
 धन्य धाये मणिचूद छन कृपा दयान
 जि अति कृतार्थ जुल न्हं ॥१५॥

राक्षसया रूप तोलतुसे इन्द्रया रूप कासे
 ओखधि आराधना यात न्हं ॥
 इन्द्रया जोगनं ओखधि थेनक बल
 राजायात लेपना यात न्हं ॥१६॥

इन्द्रनं बेला कासे अन्तरध्यान जुयाओ बिज्यात
 राजानं नमस्कार यात न्हं ॥
 मालिचि रिखिश्वरनं मणिचूद राजायाके
 पद्मावति कन्या दान फोन न्हं ॥१७॥

मणिचूद राजानं थओ स्त्री पद्मावति
जज्ञया दक्षेना बिल न्हां ॥
मणिचूद राजानं जज्ञ सम्पूर्ण यानाओ
गुरुयात दक्षेना बिल न्हां ॥१८॥

दउलथ द्रव्य तसे हस्ति रत्न तयाओ
गुरुयात दक्षेना बिल न्हां ॥
सकल लोकनं राजायाके बेला कासे
थओ थओ छें लिहां वन न्हां ॥१९॥

दुरुपस राजा दुर्मति जुयाओ
हस्ति रत्न फोनकल हल न्हां ॥
हस्ति रत्न बियेला संग्राम यायेला
कित राज्य तोलताव हुनि त्हां ॥२०॥

संग्राम याय धालसा परजान दुख सिइ
आओ जिन छु याना चोने त्हां ॥
थथिनगु बेलस प्रत्येक बुद्ध ओयाओ
तपस्या मातकल यन त्हां ॥२१॥

पद्मावति रानिनं स्वांन थवये धकाओ
बन बन हिलाओ जुल न्हां ॥
इन्द्रन व्याधा जुसे पद्मावति रानियात
गुखिन दायाओ यन त्हां ॥२२॥

पद्मावति रानिनं मणिचूदया नाम कासे
अतिनं बिलाप यात न्हां ॥
मणिचूद राजानं भलोसा बियाओ
व्याधान तोलताओ ओन त्हां ॥२३॥

पद्मावति रानिनं राजाया सेवा यासे
 सिनेहन खोयाओ चोन न्हां ॥
 राजानं बोध याना रिषिया सेवा याओ
 लिपतस मोक्ष गति लाइ न्हां ॥२४॥

दुरुपस राजाया राज्यस मभिन रोग ओया
 रोगनं कयाओ चोन ह्हां ॥
 रोग शान्त याये धका मणिचूद राजायाके
 मणिदान फोनकल हल ह्हां ॥२५॥

ब्राह्मण पनि ओयाओ मणिचूद राजायाके
 मणिदान फोनाव चोन ह्हां ॥
 धर्म अर्थ कामनानं मोक्ष लाये बांछा याना
 मणि दान काओ धका धाल ह्हां ॥२६॥

ब्राह्मण पनिसेनं करति काओओ
 राजाया कपाल फाल न्हां ॥
 थथिनगु बेलस भूमि कंपमान जुसे
 देव लोक हाहाकाल हल न्हां ॥२७॥

मणि दान कयाओ मणि सिलाओ
 लंछन हाहा याना बिल न्हां ॥
 मणिचूद राजाया धर्मया प्रभावन
 निर्मल शरीर जुल न्हां ॥२८॥

नेपाल अधिपति श्री बुद्ध धर्म संघ
 ओसपोलया सरनस चोना न्हां ॥

... ..

... .. ॥२८॥



श्री गंगास स्नान याना

[राग सिह्याज्या]

श्री गंगास स्नान याना बेलस खन न्हां ॥धु॥

छेंस जि पिहां वया गन्धर्व सुमरण याना
सुलोचना लाये कामनानं न्हां ॥
गंगा सागर तरे याना वसया देस वना
मालिनिया छेंस बास लात न्हां ॥१॥

अयले मालिनि आमाजु न्हिन्हिछिया स्वान हनागु
आम स्वान सुयात हना न्हां ॥
अयले भाजु हाय थुगुलि स्वान हनागु
सुलोचना रानियात हना न्हां ॥२॥

अयले मालिनि आमाजु जिमिसेन हने जिवला
छत्वाकनि हनाव स्वये ह्हां ॥
आखलन स्वान हंसे मालको खँ तसे
मालिनिया लाहातिस बिल न्हां ॥३॥

उगुलि स्वान सोसे मालिनि खुसि जुसे
उगुलि स्वान जोसे वन न्हां ॥
सुलोचना रानीया सभास वनाव
रानिया लाहातिस बिल न्हां ॥४॥

सुलोचना रानिनं उगुलि स्वान सोसे
सुनान हन धका नेन न्हां ॥
अपुरुष सुन्दर छह्हा जि छेंस बास वल
वह्हासेन हन धका कन न्हां ॥५॥

सुलोचना रानिनं सखिजन लितका
उज्जानस हिते धका वन न्हां ॥
थम याक वनाव मालिनि सलताव
सखिजन उज्जानस छोट न्हां ॥६॥

मखनाथे खापा खंसे किचोतन कितकाव
बागोल मिखा कंसे स्वत न्हां ॥
माधव राजाया अति निंदा जुया चवन
ख्वालस पितुपिया स्वत न्हां ॥७॥

दनाव स्वव बेले माधव राजानं
सपनास खनाथे तुं ताल न्हां ॥
राजाव रानिव थिथि नेत्र चुलानाव
मुछानि कल थिथि निह्य न्हां ॥८॥

रानिनं आज्ञा जुल थनिन प्यन्हुस
जितजा मेल बिये तेन न्हां ॥
राजा दको मुनकाव स्वयम्बर न्यायेकाव
गुणाकर राजायात बियु न्हां ॥९॥

माधव राजान रानियात सत्य बिल
जज्ञस हरण याना यने ह्हां ॥
भद्रव सल गसे सलया ह्यस तसे
बेगन ब्वातकल यने न्हां ॥१०॥

मालको खं ल्हासे राजायाके बेला कासे
सुलोचना थव छेस वन न्हां ॥
मातनस चोनाव ल्हाको खं नेनाव
कुचेत्तह्य कोहां वया चोन न्हां ॥११॥

स्वयम्बर न्यायेकाव राजा दको मुनकाव
सुलोचना कन्या बिये तेन न्हां ॥
सुलोचना रानिनं माधव मखनाव
मनस अति धन्दा जुल न्हां ॥१२॥

माधव राजाया अति निंदा वयाओ
कुचेतनं सल गया वन न्हां ॥
सुलोचना रानिनं यानन खनाओ
माधव वल धका चोन न्हां ॥१३॥

हामल कुस तसे ॥म बुबा निहासेनं
सुलोचना कन्या बिये तेन ह्हां ॥
सलया बेगनं कुबुद्धि कुचेतनं
सुलोचना हरण याना यन न्हां ॥१४॥

राजा रानी आदिन समस्त लोक पनि
सकल आताहनं चोन ह्हां ॥
गुणाकर राजाया अति लज्या जुयाव
फकिर जुयाव वन न्हां ॥१५॥

माधव राजाया न्हेलनं चायाव
जवं खवं सोयाव चोन ह्हां ॥
सल भद्र खनाव बेगन व्वानाव
स्वयम्बर धुनकाव चोन न्हां ॥१६॥

माधव राजान सुलोचना विरहन
फकिर जुयाव वन ह्हां ॥

... ..

... .. ॥१७॥



सुलोचना माधव

[राग - सिह्वाज्या / ताल - चो]

श्री गंगास स्नान याना बेलस खन न्हां ॥ध्रु॥

छेँसं जि पिहाँ वया गन्धर्व सुमरन याना
सुलोचना रानी लाय कामनानं न्हां ॥
गंगा सागर तरे यासे ओसया देश स्वसे
मालिनीया छेँस जि ओना न्हां ॥१॥

माधव राजानं मालिनीया छेँस चोना
अनेग भाखा ल्लाना चोन न्हां ॥
मालिनीया छेँसं चोंसे अनेग रसबसं
मालको खँ ल्लाना चोन न्हां ॥२॥

अयरे मालिनी आमाजु ह्लिह्लिछिया स्वान हनागु
आम स्वान सुयात हना न्हां ॥
अयरे भाजु हाय थुगुली स्वान हनागु
सुलोचना रानीयात हना न्हां ॥३॥

अयरे मालिनी आमाजु आम स्वान हने जिओला
छत्वाक हनाव जि स्वये न्हां ॥
आखलन स्वान हंसे माल माको खँ तसे
मालिनीया लाहातिस बिल न्हां ॥४॥

थुगुलि स्वान खंसे मालिनोजु रस तासे
 थुगुलि स्वान जोना ओन ह्नां ॥
 सुलोचना रानीया सभास ओनाओ
 रानीया लाहातिस बिल ह्नां ॥५॥

सुलोचना रानीनं थुगुलि स्वान खंसे
 सुनानं हन धका धाल न्हां ॥
 अपुरुष सुन्दर छह्य जि छेँस झालह्य
 ओमन थुगु स्वान हन न्हां ॥६॥

अयरे मालिनी आमाजु आम पुरुष जुयु सुख
 जिनजा ग्वबेलसं मखना न्हां ॥
 आमनं छु खं ह्नात छु धका धाल जित
 जितजा मेले बिया छोयुन न्हां ॥७॥

अयरे रानी हाय ओलं छिके माया तसे
 माधव राजा धका धाल न्हां ॥
 ह्वालयया थान बान कामदेव समान
 थथिह्य पुरुष छह्य झाल न्हां ॥८॥

थुगुलि भाखा न्यंसे रानीजु हतास चासे
 जुगुतिनि याय धका धाल न्हां ॥
 मनस तन मन व पुरुष सुमरनं
 अनेग जत्त जुगुति यात न्हां ॥९॥

सुलोचना रानीया सखि जन मुनकाओ
 उझानस ह्पिते धका ओन ह्नां ॥
 मालिनी छेँ सलताओ यकांतस चोनाओ
 सखि जन उझानस छोट ह्नां ॥१०॥

मखुथे नेनक खापा चुकुति खनाओ
 बागोल मिखा कना स्वत ह्तां ॥
 माधव राजाया अति निन्द्रा जुयाओ
 खवालस पितु पिसे चोन ह्तां ॥११॥

दनाओ स्वत लिथे माधव राजानं
 सपनास खना थें चोन ह्तां ॥
 राजाओ रानीओ थिथि मिखा खनाओ
 मुछ्छानं कल निहा थिथि ह्तां ॥१२॥

रानीनं आज्ञा जुल थनिया पेन्हुस
 जितजा मेले बिया छोयुन ह्तां ॥
 राजा दको मुनकाओ स्वयंवर न्यायेकाओ
 गुनाकर राजायात बियु ह्तां ॥१३॥

माधव राजानं रानीयात सते बिसे
 जज्ञस हरन याना यने ह्तां ॥
 भद्रव सल गसे सलया ह्मस तसे
 बेगनं व्वातकाओ यने ह्तां ॥१४॥

मालको खँ ह्लासे राजायाके बेला कासे
 सुलोचना थओ छेँस ओन ह्तां ॥
 मातनस चोनाओ ह्लाको खँ न्यनाओ
 चेतकिजा छखे ओना चोन ह्तां ॥१५॥

माधव राजाया मन अति हर्ष जुसे
 आनन्दन देनाओ चोन ह्तां ॥
 सुलोचना रानीया मनस हर्ष कासे
 आनन्दनं देनाओ चोन ह्तां ॥१६॥

स्वयंवर न्यायकाओ अनेग जात्रा यासे
 सुलोचना कन्या बिय तेन ह्नां ॥
 सुलोचना रानीया माधव मखनाओ
 अनेग धन्दा कासे चोन ह्नां ॥१७॥

माधव राजाया अति निद्रा जुधाओ
 चेलनं सल गया ओन ह्नां ॥
 सुलोचना रानीनं माधव ओल धका
 मनस भालपाव चोन न्हां ॥१८॥

हामोल कुस तसे माम बुबा निहासेनं
 सुलोचना कन्या बिये तेन न्हां ॥
 बेगनं सल गसे कुबुद्धि चेलनं
 सुलोचना हरन याना यन न्हां ॥१९॥

राजा रानी आदि पनि समस्त लोक पनि
 सकल आताहान चोन न्हां ॥
 गुनाकर राजाया निर आशा जुयाओ
 फकिर जुयाओ ओन न्हां ॥२०॥

माधव राजाया न्ह्यलनं चायाओ
 दनाओ जओ खओ स्वत न्हां ॥
 सलजा मदयाओ बेगन ब्वान ओन
 स्वयंवर धुनकाओ चोन न्हां ॥२१॥

लोक पंचया खँ न्यंसे निर आशा जुयाओ
 फकिर जुयाओ ओन न्हां ॥
 सुलोचना रानीया नामतुं जक कासे
 देशस हितु हिला जुल न्हां ॥२२॥

छगुलि देशस बास यांना दिल ओस
 लुचानं दागा बिया यन न्हां ॥
 राजाया वस्त्र आदि धाल तरवार जोनाओ
 लुचाजा छखे बिसें वन न्हां ॥२३॥

सलया ह्यस तसे बेगन यनकाओ
 छगुलि बनांतरस यन न्हां ॥
 सलह्यनं कोहां वया रानीया खवाल स्वया
 तिरि जन याय धका धाल न्हां ॥२४॥

रानीया मनस चेतकि खनाओ
 जतन नि याय धका धाल न्हां ॥
 चेतकिया लाहातिस रत्नया माला बिसे
 मधिचधि न्याना हकि धाल न्हां ॥२५॥

सुलोचना रानीनं सलया ह्यस गसे
 बेगनं छखे ब्वान ओन न्हां ॥
 थथिन बेलस लुचानं नाप लात
 सुलोचना रानीयात स्याय तेन न्हां ॥२६॥

सुलोचना रानीनं अनेग जुगुति यासे
 लुचायात तुंथिस ववपवाना छोट न्हां ॥
 लुचाया वस्त्र कासे थुगुलि वस्त्र तिसे
 धाल तरवार कोखायाओ ओन न्हां ॥२७॥

सुलोचना रानीनं मिजन रूप कासे
 बेगनं सल गसे ओन न्हां ॥
 व्याघ्रनं खनाओ बेगनं ब्वान ओसे
 सुलोचना नये धका ओल न्हां ॥२८॥

व्याघ्र औऔ खनाऔ सुलौचना ग्यानाऔ
 हतासन धुप कया सुल न्हां ॥
 व्याघ्रया म्हुतुस लाना पैननं फौत चाला
 व्याघ्रजा वाथा वाथा सन न्हां ॥२६॥

मिजन रूप कासे व्याघ्रनी स्यानाऔ
 देशस दुहां वना स्वत न्हां ॥
 सलयात बल बिसे सलया ह्यस गसे
 देशया दथु दथु जुल न्हां ॥३०॥

थुगुलि देशया पुरुष जन पनिसेनं
 व्याघ्रनी सुनां स्यात धाल न्हां ॥
 अपुरुष सुंदर छहा सल जा गसे ओल
 ओहानं स्यानाऔ ओन न्हां ॥३१॥

थुगुलि देशया काजी भार्दार पनिसेनं
 ओन ओन वायो काजी धाल न्हां ॥
 मिजन रूप रानी थुगुलि देशस
 चाकरी याय धका धाल न्हां ॥३२॥

छन छु पुरुषात दओ, ज्ञान गुण छु छु दओ
 थुगुलि दओ धकं कओ न्हां ॥
 मेबनं मफयागु उगु याय फया जिनं
 जि नाम महावीर खओ न्हां ॥३३॥

थुगुलि भाखा न्यंसे काजी भार्दार पनिसेनं
 राजाया थास व्वना यन ह्हां ॥
 मिजन रूप रानी राजाया हजुरीस
 सलाम यानाऔ चोन ह्हां ॥३४॥

थुगुलि देशस गयदा छहसेन
 उपद्रव यानाओ चोन ह्हां ॥
 थव जुजु पनिसेन गयदा लाये मफया
 महावीर सलताओ धाल ह्हां ॥३५॥
 राजाया आजा न्यसे जि ओने धका धासे
 अनेग शस्त्र जोना ओन ह्हां ॥
 सलयात बल बिसे सलया ह्वास गसे
 गयदा स्याय धका ओन ह्हां ॥३६॥
 सइने छखे तसे यकांत थह्य ओसे
 गयदाया समिपस ओन न्हां ॥
 गयदानं खनाओ बेगनं ब्वान ओसे
 महावीर स्याय धका ओल ह्हां ॥३७॥
 गयदा ओओ खना महावीर ग्यानाओ
 सिमास थहां वना चोन ह्हां ॥
 बेगनं गयदा ओया सिमाया कोस चौंसे
 वाहां वाहां लायाओ चोन न्हां ॥३८॥
 गयदा चोन खना महावीर ग्यानाओ
 जोनाओ चोन धुप तोक फिल न्हां ॥
 धुपजा कुतिन ओना कथुस लानाओ
 गयदा वाथा वाथा सन न्हां ॥३९॥
 थुगुलि खनाओ बेगनं कोहां वसे
 खड्गनं त्वाक ह्लाना बिल न्हां ॥
 गयदा स्याक खना अपसरा पेहां वसे
 प्याखन हुयाओ केन न्हां ॥४०॥

थुगुलि खनाओ मिजन रूप रानी
 कौतुक चायाओ केन न्हं ॥
 सइने सलताओ गयदा सिक खना
 हर्षन सल गसे ओन न्हं ॥४१॥

गयदा स्याकगु खँ राजानं वात तायाओ
 राजाजा अतिनं खुसि जुल न्हं ॥
 वाद्य दको थातकाओ प्याखनं हुयकाओ
 सिंधुर जात्रा यासे हल न्हं ॥४२॥

महावीर खनाओ राजा अति खुसि जुसे
 थओ म्हाय कन्या दान बिल न्हं ॥
 मिजन रूप रानीनं ओ याय मसियाओ
 धाल तरवारस फया काल न्हं ॥४३॥

स्वर्यवर धुनकाओ बछि राज्य बियाओ
 महावीर थओ देश तल न्हं ॥
 लोक पंच मुनकाओ अति रसं हर्ष यासे
 थओ छेँस तल निहं सुखं न्हं ॥४४॥

थुगुलि देशया गंगाया तिरस
 चौकिनं पियकाओ तल न्हं ॥
 ग्वह्मनं गुगु खन गंगास सियु ओयु
 बोनाओ जिगु थास हकि न्हं ॥४५॥

सुलोचना मखनाओ कुबुद्धि चेलनं
 गंगास सिय धका ओल न्हं ॥
 चौकिनं खनाओ जोनाओ यनाओ
 लओ ल्लात महावीरयात न्हं ॥४६॥

गुनाकर राजाया सुलोचना मलानाओ
गंगास सिय धका ओल न्हां ॥
चौकिनं खनाओ बोनाओ यनाओ
महावीरया सभास यन न्हां ॥४७॥

दँ झिदँ बितनं सुलोचना मलुयाओ
मनस विरहतुं जुल ह्हां ॥
माधव राजाया सुलोचना मलुयाओ
विरहन सिय धका ओल ह्हां ॥४८॥

माधव राजाया अति बेदना जुयाओ
गंगास सिय धका ओल न्हां ॥
चौकिनं खनाओ बोनाओ यनाओ
महावीरया सभास यन ह्हां ॥४९॥

महावीर राजानं छन्हुया दिनस
हर्ति हर्ति बिचाः याना न्यन न्हां ॥
माधव राजा यात तलेस बोना यना
गुप्त खँ थि थि ह्ळाना चोन ह्हां ॥५०॥

मिजन रूप रानीनं चेलयात स्वयाओ
अतिनं क्रोध याना चोन ह्हां ॥
चंदाल सलताओ चेतकि लओल्लात
छुलिनं सुयाओ स्याओ धाल ह्हां ॥५१॥

थुलित धुनकाओ विस्तारनं खँखँ त्हासे
माधव राजायाके न्यन न्हां ॥
महावीर राजानं अज्ञा जुओथे न्यनाओ
माधव राजा यात कन न्हां ॥५२॥

गुनाकर राजायाके मालको खँ न्यसे
 थग्नो देश हुनि धका धाल न्हां ॥
 महावीर राजानं अनेग बुद्धि बिसे
 गुनाकर थग्नो देश छोट न्हां ॥५३॥

मिजन रूप रानीनं माधव राजायाके
 छु छु दुःख जुल धका न्यन न्हां ॥
 माधव राजानं धाल सुलोचना मखनाओ
 गंगास सिय धका ओया न्हां ॥५४॥

माधवया खँ न्यसे थिथि मिखा खबि तसे
 दुःख सुखया खँ ल्लाना चोन न्हां ॥
 थथिन बेलस मिजन रूप रानीनं
 थग्नोगु वस्त्र तोया केन न्हां ॥५५॥

माधव राजाया थग्नो मननं भालपार्थे
 सुलोचना सहित लात न्हां ॥
 निह्य रानी पनिसेनं छह्य स्वामि भालपाओ
 चरनस भोक पुसे चोन न्हां ॥५६॥

माधव राजानं राजा रानी आदि पनि
 लोक पंच बुझय याना धाल न्हां ॥
 थुलिया निमित्तिन अनेगु दुःख सिसे
 सेहेलपा जिन जुया थनि न्हां ॥५७॥

थुलित आज्ञा जुसे राजायाके बेला कासे
 थग्नो देश ओने धका धाल न्हां ॥
 मालको खँ ल्लासे थिथि भाखा सत्य तसे
 लिहां ओल स्वम्हं थग्नो राज्यस न्हां ॥५८॥

थअओ राज्य थेनकाओ माम बुबा दर्शन यासे
दुःख सुखया खँ ह्लाना चोन न्हं ॥
माधव राजाया स्वह्म तपू नाप लासे
सुख आनन्दनं चोन न्हं ॥५६॥

माधव राजानं थअओ देश चोनाओ
परजा बिचार यासे दिल न्हं ॥
दको परजा मुनकाओ न्याय निसाप यासे
परजा यात सुख बिल न्हं ॥६०॥

ह्लाकह्मया बचन न्येन पंच सकसेनं
दसकाल सिन्हाज्यानं धुन ह्लां ॥
थुगुलि देशया राजा रानी आदि पनि
सकले आनन्दनं दिल न्हं ॥६१॥



झीगु सिन्हाज्या म्ये (प्राचीन गीति काव्य) : छत्रबहादुर कायस्थ - ४६



संकलक/संपादक : छत्रबहादुर कायस्थ

जन्म : ने. सं. १०६२ शुद्ध जेष्ठ कृष्ण चतुर्दशी
पर अमावास्या । वि. सं. १९९९ आषाढ
२९ गते आदित्यवार, ख्वप ।

कुल छेँ : बखुंबहाः यल ।

थौकन्हे : मन्दःहिति, यल ।

बौया नां : नरबहादुर कायस्थ ।

शिक्षा : १) निजामती मध्यमा २) बि. ए. (नेपाल भाषा मूल विषय) ।

लजगाः : श्री ५ या सरकारया थी थी निकायस ३२ दँ सेवा,
का. मु. उ. स. तक २०४९ सालं अधिकृत पदं अनिवार्य
अवकाश ।

तालीम : १) नयाँ श्रेस्ता प्रणाली २) प्रशासकीय
३) लेखा अधिकृत सेवाकालीन ४) योगाभ्यास

संस्थापक : १) साहित्यया मूलुखा, २) शहीद स्मारिका समिति,
३) नेपाल भाषा मंकाः खलः यल
४) शहीद शुक्र स्मृति प्रतिष्ठान, यल

पत्रिका सम्पादनः १) ज्वलान्हायकं २) शान्ति विजय ३) लुँभ्याः ४) थपू
५) सिर्जना ६) नेपाल स्कोप ७) नेपाल संस्कृति ।

सिरपाः : १) हेमराज हपाः व सिरपाः
(नेपाल संवत् १९९५ स 'नेपाल संस्कृति' लयपौया लागी ।
२) चित्तधुर सिरपाः 'नेपाल संवत् १९९७ स नेपाल भाषा
सेवाया लागी ।

प्रकाशित कृतिः ४६ गू सफू ।

Aa

389-2